

እት ሙዲርየት ሀበሮ እግል ወቀሎት በቃዐት ተዕሊም ለለሀድግ ወዕለ እት ዐሪታይ ትሰርገል

እት ሙዲርየት ሀበሮ፡ “ዐቦት ሙጅተመዕ እግል አከዶት፡ እግል ለሒሰ ተዕሊም ንክደም” እብ ትብል ሰቅራት፡ እት ወቀሎት በቃዐት ተዕሊም ለለሀድግ ወዕለ፡ እት የም 21 ኦክቶበር እት ዐሪታይ ትሰርገላ።

አግደ ሀደፍ ናይለ ወዕለ፡ እት መሻረከት፡ በቃዐት ደረሰ፡ ክምሰልሁመ እት አትካራም ወተሪፍ ለመሰል ቅደይ ለልትርኤ መሻክል እንዴ ፈረግኩ፡ ሕሉል እግል ባሰሮት ቲ።

እብ አሳሰለ ገአ ህድግ፡ ኢመትከምካም ደገጊት፡ ኢመትሐሳር ዋልዴን ወልጃን ደገጊት ምን አግደ አሰባብ ድሀር መሻረከት፡ እተ ለአትካርም ደረሰ ምስዳር ኢነሰእ፡ ኢመታበዐት ዋልዴን ወመዳርሴ፡ ክምሰልሁመ ጨቅዋ ተንጃ ህዩ ምን አግደ አሰባብ አትካራም ክምቱ ትወደሐ።

እምበል እሊ፡ ለመድ ቅራኣት ኢሀለዮት ወቅያብ ደረሰ ወመደርሲን ሰብብ ተሪፍ ክምቶም ልትአመሮ እት ሀለው፡ ለበዝሐው ደረሰ እብ ረውደት ሰበት ኢሐልፈው፡ ኢአዳለዮት ሙደርሲን፡ መትሐሳር ድሀር ናይ ደረሰ፡ ክምሰልሁመ

ኢጠወሮት ዐላቀት ሱላሰየት እት በቃዐት ተዕሊም ተእሲር ወዱ ክምሰል ሀለው ትሸረሐ።

እት ደንጎበ መሻርከት፡ ለትትሐዜ ፍገራት እግል ትትረከብ ገአ ምን ገብእ፡ መትከምካም ደገጊት እግል ልትሻፈግ፡ ዓማሮም እግል ተዕሊም ለተመ አጃኒት እግል ልትፈረገ፡ ዕላቀት ሱላሰየት እግል ትደቀብ፡ አትፋዘዖት እግል ልግበእ፡ ዶር ዋልዴን፡ ሙደርሲን ወመዳርሴ፡ ወዛረት ተዕሊም፡ እዳራት፡ ጀብሀት፡ ሚርሐት ደያናት ወሰብ-ገጽ እግል ሊዘድ አትፋቀደው።

እት ደንጎቤ መሻረከት ደረሰ እት ረውደት አሰክ ምግባይት ደረጃት እብ 40 ምእታይት፡ እት ካኣይት ደረጃት ህዩ እብ 20 ምእታይት እግል ቲዚድ፡ መሻረከት አዋልድ እት ክሉ ደረጃት 50 ምእታይት እግል ልብጸሕ፡ ቅያሰ ተሪፍ እብ 10 ምእታይት እግል ልንቀሱ፡ አትካራም ተዕሊም ህዩ እት በሕ እግል ልትከሬ ለልብል ቀራራት ወፊናታት ሓለፈው።

መስኡል ፈርዕ ወዛረትት ተዕሊም አቅሊም ዐንሰበ መምህር ክፍላይ ዐንደሚካኤል እተ



አሰመዐየ ከሊመት፡ መሓግዝክ እንዴ ፈረግኩ ሕሉል ባሰሮት ሌጠ እንዴ ኢገብእ፡ ክፋል ናይለ ሕሉል እግል ትግበእ አግደ ወእተ ትትሐዜ በቃዐት ለነሰእ ምን ገአ፡ እብ መትሐሳር እግል ልትከደም እሉ አትፋቀደ።

ሙዲር ዓም ቅስም ከደማት እጅትማዕየት ኮሎኔል ተሰፋጽዮን ግርማይ ወሙዲር ሙዲርየት ሀበሮ አሰይድ ፍትዊ ገብረመስቀል እብ ተረቶም፡ በቃዐት ተዕሊም አከዶት ናይ አውለውየት አውለውያት እግል ልትህየቡ ሰበት ወጅብ።

ቀራራት ወዕለ ፈዓለ እግል ልግበእ እብ መቅርሕ እግል ልትከደም ትፋነው።

እት ሙዲርየት ሀበሮ፡ እግል ሐድ 9 አልፍ ደረሰ ርቱብ ወኢርቱብ ከደማት ለለሀይብ 45 መአሰስት ተዕሊም ሀለ።

ባጽዕ፡ መዐየ ለመረሐ ወራታት ነዳፊት ድዋር ልትጌመም

ዲብ ምዴርየት ባጽዕ፡ ፈዓልየት መዐየ ለመረሐ ወራታት ነዳፊት እግል ጌማም፡ መስኡሊን፡ መርሐት ደያናት ወብዕዳም ሰብ ሽርከት ሽቅል ለሻረከው እቲ እጅትመዕ፡ ዲብ የም 19 ወ20 ኦክቶበር ገብአ።

ዲብ ጌማም፡ እተ ሐልፈ ሰኒን ልትሰርገል ለዐለ ወራታት ነዳፊት ድዋር ወባጽሐ ለህለ ደረጃት፡ ዲብ ሀለዮት ወመትነፊዕ አሸቀት፡ ናይለ ገብአ ሄራር፡ ክምሰልሁመ ዲብ ዶር ሰብ ምራድ ኖሰ ነዳፊት ድዋር ወብዕዳም ሀድግ ገብአት።

እምበል እሊ፡ መትመዳድ ወመትነፊዕ ምስትርሓት፡ ለዐለ መታክል ወእግል ሀወኖቱ ለትነሰአት ምስዳር ወለትረአ ሰርገል፡ ደጉሰ እግል ኢልሳድፍ እግል አሰክ እለ ርኩብ ለህለ ዐውቴታት እግል አድመኖት ለትኤተነ በራምጅ፡ ዶር ወመንፈዕት አሸቀት ዲብ አድመኖት ነዳፊት ድዋር፡ ክምሰልሁመ ተእሲር ነዳፊት ድዋር ዲብ ዓፍየት እብ ዓመት፡ እብ ፍንቱይ ህዩ ዲብ ዓፍየት ምተሐት ዕምር ላቶም አጃኒትመ እብ ፋዬሕ ተሀደገ እቦም።

ዲብ አቅሊም ቅብለት በሐር ቀየሕ ሙዲር ዓምር ከደማት እጅትማዕየት አሰይድ ረዘኔ ፍሰህ፡ አሰክ እለ ጋብእ ለህለ ወራታት ነዳፊት ድዋር ለለአትናይትመ ምንማቱ፡ ለወቀይ እብ ተማሙ እግል ልትሰርገል፡ ደጉሰ እግል ኢልሳድፍ ላኪን፡ ዲብ መጅተመዕ ተቅዩር ጠቢዐት እግል ልምጸእ ተዕቢአት ወምህር ምህም ክምቱ አፍህመ።

ምሻርከት እብ ጀሀቶም፡ ፈሀም ወአምር ዲብ መትነፊዕት አሸቀት ዲብ ዘይድ ገይሰ ሰበት ህለ፡ እግል ሕፍዝቱ ህዩ ናይ ሕበር ጸገም ክምሰል ጠልብ እንዴ ሸርሐው፡ ናይ ሸዐብ አሸቀት ዲብ ደማን ናይለ መዐየ ለመርሐ ናይ ሕበር ነዳፊት ድዋር ሴድያይ ሰበት ገብአ፡ እብ ፋዬሕ እግል ልትከደም እቲ፡ ታመት ክድመት ምስትርሓት ለአለበን ዓይላት፡ መዳርሴ፡ መአሰሳት ሕከመት ወብዕድ ህዩ ሐል እግል ልትባሰር እሉ ለልብል ወብዕድ አረእ ወፊናታት ቀደመው።

ሙዲር ምዴርየት ባጽዕ አሰይድ ሀይሌ አሰፊህ ዲብ ቀደመየ ናይ መድብእ ከሊመት፡ አሸቀት ዝያድ 85 ምእታይት ምንመ በጽሐ፡ መትነፊዕቱ ላኪን ክምሰል ልትሐዜ ሰበት ይህለው፡ እህትማም ትሩድ ክምሰል ጠልብ ወደሐ።**

ሰካን ጸሮን፡ ዲብ ወራታት ዐማር ፍሩራም እግል ሀለው አንፋር ቅዋት ድፊዕ ሕራብ ወደው

ሰካን መዲነት ጸሮን፡ ዲብ ድዋራት እተ ልሰርገል ለህለ ወራታት ዐማር ለትፈረረው አንፋር ቅዋት ድፊዕ ኤረትርየ፡ እብ በርናምጅ ዓዳት ለተለ ሕራብ ወደው።

መመቅረሐት ናይለ በርናምጅ፡

ለሕራብ እግል ማሌ ዲብ ሕሸመት ሰያደት ወዮም ህዩ ዲብ ዐማር ወጠን ፍሩራም ለህለው ፍራሰ አንፋር ቅዋት ድፊዕ፡ ሐምዲ ሐቆለ ቀደመው ክምሰልቱ ሸርሐው።

“ገቢል ድቁብ ጃሽ ድቁብ

ከልቅ፡ ጃሽ ድቁብ ህዩ ደሐን ወሰላም ሽዑብ ወወጠን መድድ” ለቤለ ወኪል ናይለ አንፋር ቅዋት ድፊዕ፡ እብ ሰካን መዲነት ጸሮን ለትነሰአት በዳሪት፡ ተአምርተ ድቅብት ዕላቀት ገቢል ወጃሽ ኤረትርየ ክምሰት አብረህ።***

ምግብ፡ ለትፈናተ ምህናት ለነሰአው ሽባብ ትደሕረው

ፈርዕ መሕበር ወጠን ሸባብ ወደረሰ ኤረትርየ፡ እግል 3 ወርሕ እብ ለትፈናተ ምህናት ተእሂል ለሀበዮም 119 አዋልድ ለብእቶም 214 ሻብ፡ እት የም 21 ኦክቶበር ትደሐረው።

ለተእሂል፡መጃላት ኤሌክትሮኒክስ፡ ቴክኖሎጂ ኮምፕዩተር፡ አትሳናይ ሞባይል ወጀላል ጭገር ለሸምል ዐለ።

እት መናሰበትለ መድሐራት፡ መስኡለ ፈርዕ አሰይድ ሳምሶም ክፍሌ እተ አሰመዐየ ከሊመት፡ ለሸባብ እግል እሊ ራክባሙ ለህለው በክት እብ ዋጅብ እግል ልትነፈሶ እቡ ወእግል ብዕዳም መሰል - ሰኔት እግል ልግበእ አትፋቀደ።

ሙዲር ምዴርየት ጋላ-ነፍሐ አሰይድ መሓሪ ዮውሃንስ ወሙዲረት ሙዲርየት አርበዕቴ አሰመራ አሰይደ

አልጋኔሽ ትኩእ ህዩ፡ ዕልም ወምህነት ለተዐደቀ ሻብ ፋዝዕ፡ አሳሰ ወጠንያይ በራምጅ ክምቱ እት ሸርሕ፡ መሕበር እት ለትፈናተ አውካድ ለነዝሙ ተእሂል ፍገራቱ ለተአትናይት ምን ገአት እግል ትተላሌ ትፋነው።

እተ ተእሂል ልሻረከው ሸባብ፡ ምን ሙዲርያት አርበዕቴ አሰመራ፡ ጋላ-ነፍሐ ወክርስ መዲነት ለመጽአው ቶም።

ዲብ መንደፈሪ፡ መሓደረት ሐርስ ትትህየብ

ፈሬዕ መራቀበት ድዋር ውዛረት ሐርስ አቅሊም ግብለት፡ መርሀዮ መቅሬሕ መሻሬዕ ሐርስ ወድዋር እግል ለህሌ ለሰዴ መሓዳራት ዲብ መንደፈረ ዝመ።

ዲብለ ምንምዴርያት እምኒሐይሊ፡ ድባርወ ወመንደፈረ ለመጽአው፡ ምስል ሐርስ ወእዳረት ድዋር ዲብ ልጸበመ መጃላት ለከድሞ ሰብ ምህነት

ለሻረከው እተ መሓደረት፡ ዶር ደማን ለቡ ድዋራት ዲብ አተላላይ ለቡ እተይ ሐርሴ ዋጅብ መቅሬሕ ድዋር እግል ሀወኖት ከሳር፡ ሳፊ መትነፊዕ አርዛቅ፡ ክምሰልሁመ ርቱብ ወራታት አንገዮት ድዋር ለልብል አጃንዳት እብ ፋዬሕ ተሀደገ እቦም።

ለተእሂል ሀበ - ዲብ ፈሬዕ ውዛረት ሐርስ አቅሊም ግብለት መስኡል

መራቀበት ድዋር አሰይድ ተሰፈሰላሴ ተሰፋሚካኣኤል፡ አግደ ሀደፍ - መርሀዮ ወመቅሬሕ መሻሬሕ ሐርስ ወድዋር እግል አሰበቅት አተላላይ ለቡ ዓፍየቱ ለደመነት እተይ ሐርስ እግል ለህሌ ክምሰልቱ ሐቆለ ሸርሐ፡ ዲብ መሓደረት ለሻረከው ለከሰበው አምር እብ ፍዕል እግል ልክደሞ እቡ አትፋቀደ።

ግብለት ወምግብ ደንካልዩ፡ እግል መትከምካም ደገጊት እጅትመዕ ገብእ



እት ሙዲርያት ግብለት ወምግብ ደንካልያ እት መትከምካም ደገጊት ወጋራት መሕደሮ ብዕድ ተሀደገ።

እተ ዲብ ዕዲ፡ አፋምቦ፡ በልዕቡይ፡ ኪሚራ፡ ዋዴ ወበይሉል ምስል ወካይል ሽዑብ ለጉብእት ህድግ ሓክም አቅሊም ግብለት በሐር ቀየሕ ሰፊር መሐመድ-ሰዒድ መንታይ፡ መትከምካም ደገጊት ሽዑብ መትከፈዓይ ከዳማት እጅትመዕየት እግል ልግበእ ለልኦትሐዜ ክምስልቱ እት ወዴሕ፡ መሸተርከት ፈሀሞም እግል ልወቅሎ ትፋኑ።

እግል ደማነት ማይ ሲቶ

ነዲፍ፡ ዕምሮም ሰነት ድራሰት ለበጽሐ እጀኒት በክት ታዕሊም እግል ልርከቦ፡ ምን አምራድ እግል ልትዓፈው ወዐመሲ ህዩ ለልኦትሐዜ ከደማት ዓፍየት ምን ቅሩብ ጀላብ እግል ልርከባ ለመትክከምካም ዶር ሰኒ ክም ቡ ለሐበረ ሰፊር መሐመድ ሰዒድ መንታይ፡ እብ መቅደረት ሕድድት ገብእ ለሀለ ወራታት ሐርስ እግል ልፍያሕ ልትሸቄ ክም ሀለ አከደ።

እት ደንጎበ መድረሰት ቦርዲን አፋምቦ ወጊይት ድረጀት ዋዴ ሐዳይሰ ደረሰ እግል ልትከቡተ ገብእ ለሀለ መዳላይ ወእት ሽብህ መዲነት ዕዲ አምዋጅ ለለክፊዩ ዓሳ ኔብራይ ረአ።

አስማጥ፡ ሰካን አሰነደ እት ኬወ ሕፍዘት ማይ ወትርቦት ሸቄ

እት ምዴርየት አስማጥ፡ ሰካን አሰነደ እት መጃሚዕ ኬወ እንዴ ትክመው እት ሕፍዘት ማይ ወትርቦት፡ ክምስልሁመ እት አትሳናይ አግቡይ መዋሰላት ኬወ እተ ክሰአም ህለው።

ህቶም እግል ኤሪና እተ ሀበወ ሐብሬ፡ እብ ሰቡብ ኢመትሳዋይ መትመዳድ ዝላም ወእግል መትሸርሻር ትርቦት ቅሎዕ ላቱ

ድዋራት፡ እተይ ሐርሶም እተ ለትትሐዜ ደረጀት እንዴ ኢበጽሕ ልትሀነእ ክምስል ሀለ እት ሸርሒ፡ ድዋራቶም እቱ እግል ለሓፍዞ ወእተዮም እግል ለዓቡ ከድሞ ክምስለ ህለው ወደሐው።

መስኡል ሽብህ መዲነት አሰነደ አሰይድ ዑመር መሐመድ ዐሊ እብ ጀሀቱ፡ እት ለትፈናተ አውካድ ልትርኡ ለሀለ መትባዳል

መሕበር አንሳት ፈሬዕ ኢጣልዩ፡ 5^ይ ርቱብ እጅትምዑ ወደ

መሕበር ወጠን አዋልድ አንሳት ፈሬዕ ኢጣልያ፡ እት ዮም 14 ወ 15 ኦክቶበር ዲብ መዲነት ሚላኖ 5ይ ርቱብ እጅትምዑ ሰርገሉ።

እትሊ መስኡለት መንጠቀት አርብ ወኢጣልየ አሰይደ ንግስቲ ጸጋይ ወመስኡለት መንጠቀት አርብ አሰይደ ምልእቱ ተወልዴብርሃን ለሻረከየ ዲቡ እጅትማዕ፡ ዝያድ 60 መመቅርሐት ጀሃት ወወካይል ናይ 12 አፍርዐት፡ ክምስልሁመ መስኡሊን ተጀሞዕ ወጠን ሻረከው።

ሰፊር ኤረትርየ ዲብ ኢጣልየ አሰይድ ፍሰሓዴን ጴዋርስ እተ አስመዐየ ናይ መክሰቲ ከሊመት፡ ሓድር ተዋልል እበ ከሰሰ ሸሬሕ እት ቀድም፡ ለእጅትመዕ እግል ልትዐወት ሰኔት ትምኔቱ ሸርሐ።

ሐቐ እሊ፡ መስኡለት መንጠቀት አርብ አሰይደ ንግስቲ ጸጋይ - እበ ፈሬዕ ናይለ ትሸቀ ወራታት ተቅሪር፡ አሰይደ አልማዝ ሀብቱ

መሕበር ህዩ፡ እግል መደት ሰለሰ-ሰነት ለትከድመን ሐዳስ ልጅነት ሐረየ።



ናይ አፍርዐት ክምኩም ተቃሪር፡ አሰይደ አልጋነሽ አበቤ ህዩ፡ ሓለት እቅትሳድ እበ ከሰሰ ተቅሪር ቀድመ እት ህለየ፡ ለመጅተምዐት ናቀሸየ ዲቡ።

እምበል እሊመ፡ ቀዋኒን ለከርስ ጋራት ትቀርአ። እብ አሳስ ደስቱር

ዲብ ደንጎበ ለመጅተምዐት፡ ሓድረት መርሐለት ምስለ ለገይሰ 8 ንቅጠት ለቡ ቀራር እት ለሓልፈ፡ ወጠንያይ መሕበር አንሳት እግል ጠወርት፡ ክምስልሁመ ዶር መሕበር ዲብ በራምጅ ወጠን እግል ልተረድ ገለደን አጀደደየ።

ዲብ እስብዳልየት ደቀምሐሬ፡ እግል ዝያድ 400 መዋጥን ዐመልያት ዕንታት ገብእ

ዲብ እስብዳልየት ደቀምሐሬ፡ እብ መዓወነት ሐሽም ሐካይም አቅሊም ግብለት ወሐሽም ሐካይም ዕንታት አል-በሰር፡ እግል ዝያድ 400 መዋጥን ዐመልያት ገብአ።

እትሊ ምን ዮም አሰክ ዮም 8 ኦክቶበር ለትሰርገለ በርናምጅ፡ ምን በድሪ ፍሐሳት ምንለ ገብእ እግሎም

ሐድ 2 አልፍ መዋጥን፡ ለ439 ዕዉት ዐመልያት ዕንታት ትጉብእ እግሎም እት ህሌት፡ ለተርፈው ደወ ወናዙር ተሀየበዮም።

ሚዲካል ዳይሬክተር እስብዳልየት ደቀምሐሬ ዶክቶር ዮሴፍ ተኽሌ እግል ኤሪና እተ ሀበየ ሐብሬ፡ ለእስብዳልየት ዕንድቅተ እበ ህሌት መቅደረት ሰብ-ምህነት ወኣላት፡ ለበርናም እብ ሰፋየት ክም ተመ እት ለሐብር፡ ወዘረት ዓፍየት አሰይደ አሚና ኑር-ሕሴን እንዴ ሐድረት ለወዴቱ እግሎም አትናያት ሐመደ።

መስኡል ወጠንያይት መራቀብት ዐወር አሰይድ አለም ዘካርያስ እብ ጀሀቱ፡ ቀደም እለ እሊ ለመሰል በራምጅ ዲብ ከረን ወባረንቶ ጋብእ ክም ዐለ እት ለአፍህም፡ እሊ እብ ለሀ ለትሀየበ ከደማት ዓፍየት ዕንታት፡ እግል ሐያት መትነፍዐት ለቀይር ክምቱ አርሀ።

ምዲር ምዴርየት ደቀምሐሬ አሰይድ የማኔ አበራ ህዩ፡ ለበርናምጅ እግል ልትዐወት እብ ፈዛዐት ለሻረከው ሰብ-ምህነት ሐመደ።

ግልቡብ፡ እግል ሐርስ ወንዋይ ከደማት ለለሀይብ ዐግም ልትሸቄ

ዲብ ምዴርየት አፍዐበት - እዳረት ደዋዬሕ ግልቡብ፡ እግል ሐርስ ወንዋይ ከደማት ሲቶ ለለሀይብ ዐግም ልትሸቄ ህለ።

እሊ ዮም ዓመት ለትክምከመት ‘ክዛን’ ለትትበሀል ቂሾት ዲበ ልትሸቄ ለሀለ ዐግም፡ እብ መዓወነት ሽዑብ ወመዐስከር ሀይኦት ተድራብ ምዕጥር ክምቱ፡ ወኪል ኤሪና ምነ ምዴርየት ሐበረ።

መስኡል ሀይኦት ተድራብ ቅዋት ድፊዕ ኤረትርየ ሚጀር ጀነራል ረመዳን ዑስማን አውልያይ፡ ምዲር ምዴርየት አፍዐበት አሰይድ አሕመድ መሐመድ-ኑር ረጀብ፡ ቃእድ መርከዝ ተድራብ ምዕጥር ኮሎኔል እዝራ ወልዴገብሪኤል ወቃእድ ቅብለት ቅወት በሐር ሌ/ኮ የማኔ ገብሬማርያም እንዴ ተለዉ ለሸቅል ዲብለ ጋንሐ ዲቡ ወክድ፡ ሀደፍለ ዐግም ወባጽሐ ለሀለ ደረጀት ለከሰሰ ትውዴሕ ተሀየበዮ።

ዲብለ መናሰበት፡ ሚጀር ጀነራል ረመዳን ዑስማን

አውልያይ፡ ሐረሰቶት እተዮም እግል ሊዚድ ወመናበራቶም እግል ትትሓየሱ፡ ዲብ ኦካል ሌጠ እንዴ ኢልትሐደዶ፡ ግግል ሐምሌ ወፍሬታት ዲበ እግል ልትዐደው ትፋኑ።

ምዲር ምዴርየት አፍዐበት አሰይድ አሕመድ መሐመድ-ኑር ረጀብ፡ መመቅርሓይት ሸቅል እዳረት ደዋዬሕ ግልቡብ አሰይደ ሰሚረ እድራሱ፡ ክምስልሁመ ሐረሰቶት እተ ሀበዉ ረአይ፡ እግል እብ አንፋር ቅዋት ድፋዕ ወመሸርዕ ዐዲ-ሀሎ-3 ለገብኦት እግሎም ሰዳይት ዲበ እት ለሐምዶ፡ ለሸቅል እግል ልትዐወት ምኖም ለልትጠለብ ክም ለኦታሞ አከደው።

ምን ማርሳ ግልቡብ እንክር ምውዳቅ ጸሐይ 10 ኪሎ-ምትር እንዴ ሬመት ለትትረከብ ‘ክዛን’፡ ፍንጡራም ለዐለው መዋጥኒን እንዴ ተሐየበው ዲቤ፡ እትለ ሰነት ንነ ለትአሰሰት ቂሾት ተ።

እፈትርየዎጃዳክ

ክል አርቡዕ ለትጠ'በዕ ጀሪደት

መዳልያይ፦
- መሐመድ እድሪስ

ለይኣውት ወኦርተጎት
* ዘህረ ዐሊ
* ፋዋነ አድም

ተለፎን፡ 121797/07121322
ፋክሱ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

(6^ይ ክፈል)

ናስር ሐቆ እትንፋሳት ረያም ምን ክልኤ ሸንበኦቲ፡ ለእት ክርሱ ልትጋደሉ ለዐለ ሁሩ ኩብድ ምስል ካርቦን ዶይክሳይድ እት ሀወ ፌረቀዩ፡ ለዐለ እግሉ ገሀይ የዓለጀዩ እግሉ መሰለኒ እብ ክእኒ በልሰ እተ።

“አይወልልኩምት እምበል ጽብሕ ኢትትወሐዋ ወሀበኒሙ ቀደም እንኩ፡ ኢትትበህል መሰለኒ ሳብሪነ፡ እስልፍ ሐቅኪ አፍግሪ ከሐቅህ እትገህፍ ወእትሐንቀቅ እንዴ ኢኮን፡ ሐቲ ወአክል እለ እንዴ የአወቄ እግል እሴት ከአፎ እት አፈት ጸርዬ እትገፈ። በስ ረቢ ቅስመት ሃይብኒ ህለ ምንዲ ገብእ ለናይ ካርጅ ፍክረት ህተ ተርፍ፡ ወለ ትሰረረተ እግል ናስር በዲር ረቢ ባረከየ እግሉ ይትምነ እም፡ ወአይመ እተ ክምስልህ ይትምነ ብክር ሻሙ እብ አሰባብ ሐገሌብ ጂብዬ፡ እንቲ ህዬ አይ እብ ንዩት ገብእ አለቡ፡ ህሌኪ ምንገብእ መሃዲት ሕነ ወመዓቢት፡ ወይህሌኪ ምንዲ ገብእ እብ ንዩት ትገብእ አለቡ፡ ጸዕደ ሕብር ሐሊብ ህተ ትትጸነሐኪ ወትትከበተኪ እተ እለ ጊስኪ፡ እት ከነደ እንዴ ገበአኪ ኢትትረሰዲነ፡ በኪተት እንቲ ሐቆ ሰኒን ነወል በሊኒ፡ የምክን ሰኒን ሐቆ በዞሕ አፈመ ላመ ሱረት ገጽመ ትትቀየር፡ እብ ሰሜቼ ንቀመኒ ወሳብሪን ክምስል እንቲመ እብ ድሁርኪ አሰእለኒ።

አከይ ብሶት ወአከይ በክት ወናስር መታሊት ሰበት ሕነ፡ አነ ወህተን እግል አድሕድ ኢትትዐግብ። ክል መልህይ እግል ዐገብ መልህዩ ሰበት ኢሸፍግ፡ እሊ ረአዩ ቲ። እብ ቀሊል ኢኮን ለክልኤ እዴዬ እግል ቀደር እመድደን ለህሌኮ። ላኪን ዋቅዕ ናሱ ምስል ከያል ልትባለስ ሰበት ህሊ፡ ሕነ ወንዩትነ ቀበሊት እግል ንታፊ ሕክምት እትነ ህሌት መሰለኒ። ላመ ናይኪ ባድዩት ምንዬ ይህሌት። (ሸንራይ ለቡ ደቃቅ ኢልስእን ቲ።) በሊሰዬመ እትሰ ሸንራይ ይህሊ፡ እግልዬ ወዴቃዩ” በልሰ ናስር እብ አክይ በክቱ ሰኒ ሓርቅ እት እንቲ። እንዴ ኢልትአመሩ ህዬ ፍርግጽ እብ ቅንጸት ወደ።

ሳብሪንመ እስልፍ እብ መባልሱ እት ትትዐጀብ፡ ሐሬ ህዬ፡ እበ ሻፍገት ቅንጽቱ ዝያድ ትፋጀአት። ክለ ለእግለ ትበልስ ትቀዌት እተ መሰከነት። ተሐየረት፡ አሰቅቀበት፡ ቀንጸት፡ ትገሌት፡ ተራቀመት፡ አዝመት፡ ትዋለበት፡ ዐቅለ እብ ዘሐመት ሕሳበት ትረበሽ ምነ። ምነ እቱ አትዩት ለዐለት መለገት ሻም ለለአፈግረ ወገበይ ለመርሐ ላኪን ኢትአመረት እግሉ። እት ደንገበ ላኪን ለሐሰ ሕርያን እንዴ ትገሌት ሕሳበተ እግል ትትጭመም ነዌት። እግል መደቲት እተ ፍንጌ ክልኢቶም ክራት ለዐለት ጣውለት ደምአት። ናስር ምነ ሻፍገት ቀንጸቱ በል እቡል ሰበት ዐሊ፡ ክጅል እት ትትሰምዑ እግሉ እተ ሸብሃቶም ልትሃጀኩ ለዐለው ሸባባት እንትብሃም እቶም እግል ኢልግብእ እት ፈርህ፡

ኬን ወእንሰር ሐቆ አትናወረ፡ እተ ምግሳዩ እንዴ አቅበሉ፡ እት ሻምለ ለማሪ ሰጌዳየ እግል ልርፈዕ እግለ ጀርቤታት ባትክ ሰአየት ጀረበ።

እሊ ሰድ እሊ ሳብሪን ሰኒ ሕይርት እት እንተ እብ ክርን ድህርት፡ “እዘም ምንዬ ናስራይ ሐሰብኩ፡ እብዬ ኢትትሻቀል። ምስል አርወሐቼ እትሃጀክ ህሌኮ። ለገብእ ቅሩብ ወረደም፡ ሐ ወፈታይ፡ መለሀይ ወገልገላይ፡ መሰኒ ወአያይ፡ እት ፍንጌነ እግል ልእቱ ይሐሬ ወይእራዴ ወየአጅዝ እግሉ” ቲሉ። ክልኤ ዕንተ ማይ አናብዐን እተ ዲበ ዳምኡት ለዐለት ጠረቤዘት አትቃጠረተን። ናስር መባልሰ ሳብሪን ክምስል ሰምዐ ዝያደት እት ልግዬ ቅብላተ እንዴ ገብእ ህቱመ ብክዩ እተ ብክር ሻሙ ለልብለ እብ ገሀይ ደሚሩ አፍገረዩ። እብ ሰምዕት ወኢትሰመዐት ብክዩ ከለሰ። ምድር እግል መሶት ዐዝለቱ እት አሕድሩ ኡብጽሐ። ላመ ምንተዘህ ምነ እምሱያም እቱ ለዐለው ሸባባት ቀዐረቱ እብ ሐዳይሰ መትሃጀኩት ትመለአት።

ናስር ወሳብሪን እብ ሐዲስ ኤታን ሻም እግል ለአፍግሮ ለዐለት እግሎም ንዩት፡ እት መፋህመት እንዴ ኢበጽሐ እግል ምግያሰ አሰር አድሕድ እግል ልፍገሮ ትቃነጸው። ናስር እት መርሕ ሳብሪን አሰሩ በደል አመት ወሰድር መጥሩ ትከሬ ለዐለት እገረ እት ጽብዋ እብ ሮይ ትተለዩ ለህሌት መሰለት። ሸብሃት ቤተ ክምስል በጽሐት ህቱ ጸበረየ ወህታመ እግል ተዐርዩ ትዐርሬቱ። ናስር እግለ ቅብላቶም ለዐለ ሻርዕ እት ለአትቃምት።

“ሳብሪን ደሐን ትመዩይ” ቤለዩ። ህታመ ክርንተ ዕዝዕዘት ሓንቀተ እት እንቲ፡ “ደሐን ትመዬ ትምኔት አርወሐቼ፡ ወኢትትጽበዋ እቼ። ሸንሂት ወድ አደሚ አክል ሐጸተ ትትበህል። ክለ ለተምኔህ ኢትገብእ እግልነ እንዴ ኢኮን። ዝክረት ሻምከ ህዬ እት ልብ ሳብሪን አነነ ዐባይተ። ክሉ ለእግልዬ ደገምካህ እት ደሚርዬ ሓፍዘቱ እግልከ ህሌኮ። ለትጀምዐነ ቅስመት ህሌት ምንዲ ትገብእ ሰኒ ሰኔት። ወለትሰረረተ ለኢትጸበርካህ ምን ሻም ወርዝቅ ልፍጠር እግልከ። ሰኔትከ ለአሰምዐኒ። አሰክ ኢትፈናቱነ ህዬ ምን ሻምከ ኢትሐርመኒ። ልብዬ ህያብ ወምንሕት ልብኩቱ” ቲሉ። ከእግል ትሰዐሙ እተ ምልትሐ ደነት እቱ።

ናስር ለእግለ ሰዐመቱ ሰዕመት ክምስል ሕምዝ አርዌ እት ክል ክትፈቱ ወአሰራር ደሙ ትዘርአት እሉ። ገርቡ አቅሱሰ ገብእ ምነ።

ሻም ሕዋኬ

“ግድም ላሊ ኬር ትመዩይ ትምኔት አርወሐት። ክለ ለትትበህል እንቲ ቲልክዩ። ትምኔት ወንዩት ህዬ እት ምራድ ለለአበጽሓሁ ሐድ ቲ። ብሶት ምንዲ ትህሌ ቀደምኪ አነ ትምኔቼ ወምራጄ እግል እርከብ ወሐሬኮ። ላኪን እብ አዩ ብሶት ወበክት እግል ልትበጸሕ መሰለኪ!” ዐፎ ግብኢ መንባይት” በልሰ እተ ከእግል እት ሰላመት ተነፍሶም አድሕድ ኡብጸሐዉ ወእብ ደሐን ንትርኤ ትፈናተው።

ሳብሪን ሐቆ ምዕያር አቡህ ወሐወ ሸፍር ጠርቀት። ሼክ ሳልሕ ወለቱ ሳብሪን ሰኒ ሰበት ፈትዩ፡ ክልኤ ዶል ትሰአለ ምነ። ሰአሉ ላኪን እንዴ ትሸከከዩ ኢኮን፡ ደአም እለ አምዕል እለ ምን ውሓዱ እት ቀበት ሐቱ ሳምን ሕዱድ ደውለት ሶዳን እንዴ ትዐዴት፡ እት ቀበት ሐቱ ሰነት ህዬ አሰክ አርብ እግል ትሳፍር ክምስልቱ አዋምር ባጽሐ ክምስል ዐለ እት ደሚሩ ወዕል ለዐለ

ምንዬ ሕጌ ወክራር ምንዲ ገብአኪ እግለ እለ ወለትኪ!? አናመ ዋልዳየ ኢኮን አነ ምን እትሰአልመ እበ ሚ ዶል ዔብ ገብእ እምዓሽ። ዋልዳይ ደሀይ ውሓዱ እግል ሊዴ ህዬ ላዝም ቲ። ንዩቱ ወዴ ወህጅኩ ለሐዘ። ሐሬ ህዬ ውሓድ ዮም ረቢ ካርዑ ልግበእ፡ በደል ምስል ዋልዴት እግል ልትነደቅ ልተምኔ፡ እት አርካን እዲነ እግል ልትሸተት ወልብዴ ልተምኔ። በዲረ እግል መጋይሰ ካርጅ ትትዌነቅ ሰበት ዐለት ወለትኪ ሐወ ዮመቱ ጀዋዝ ሰፈረ እንዴ አትዳለዉ እብ ገበይ ሱዳን እብ ሻፍግ ትምጸአነ ልብሎ ህለው። ማላቶም ክምስል ከዐው አሰአለውኒ እንዴ ኢኮን ወለቼ ሳብሪን ኢኮን መዐደይ ኡብሐር፡ ምንኬን ዕጨትመ እግል ትዱር ሐቱመ ዶል ሓዘ ይአምር። ምን ምምሳየ ዮም ምሴት እለ ሕነ እምዓሽ አድሕድ እንበሌዕ ህሌነ ሕነ ወእንቲ። ህተ ኢኮን ለአማን?” ሐቆ ለእተ አምዕል ለህ ምን ውሓዱ ለመጸዩ ተዩልል ዳገመ እግሉ፡ ሸርሐ እት እሴቱ እብ ሰአል አትመመዩ አብ ዓሽ ሳልሕ።

እም ዓሽ ሐሲነ ምን እሊ ከበር እሊ ለለክኬ ኢትሰምዕ። ምድር ወሰመ ምን ሕሊል ሾመት ጨበ እተ። “ዬቡ እመ ፍዝህ ትግበእ ሳብሪን ወለቼ። ምን ገብእ መክረየ? ወሚ ገብእ ትሐንዝት ከአይ ረዩምዬ ሐሬት? ዮም ኢትገይሰ ወፈንጎሕ። በደል ረይም ኡብሐር ትትዐዴ፡ ምስል ሓግል ድራር አለቡ ምስሉ ምንዲ ትትመልሼ ልትፈደል። ፈጅር እለ አምዕላይ አነ እሊ እተ ድካን ጀፈረ ድካነ ሸቄ ለሀለ ሕጻን ምስሉ ዐቅድ አትአሰር እቲ፡ እብ ገራቢት ምን ወለተ ሳመዐቱ ለዐለት ከበር ሻም እብ ቀላል ገበይ እት እዝን ኡብ ዓሽ ሳልሕ ኡብጸሐቱ ሐሲነ።

ሳልሕመ እሊ ከበር እሊ ተናን አፍገረ ምነ። “የሀው ሰምዖ እግልዬ፡ አይ እንቲ ወወለትኪ እናሰኪ አመርክን። አብ እንዴ ኢደሌ እም ተአትሐጼ ህሌት ወተአትህዴ። እለ አይ ምን ገብእ ለአምን እበ? ወልብሉ። የሀው ነቢ ረአው!? ለኢትትደገም ወለ ኢትትበህል ሰምዖ፡ ረቢ ሰኔት ለአሰመዐክም። አይወ እበ ለምቱ ትብሊ እቼ አምሴኪ ናሰኪመ ወለትኪ አሰክ አከጀህ ናደአተ ዐልኪ። ደቦ! አነ እኩይ አደቡ አነ። (አነ ፈጅር ዐቅድ አተውዴ እተ) ግድም ሳምዓምኪ ህሌነ እዘሚ እኪ። ዐቅድ እም ትጽብጡ ሐቆ ጸንሐተ ላመ ዐቅደ ርሕኪ ድሉይ እግልዬ ይህለ አነ። አነ ኡብዓሽ አነ!!!” ቤለ ከሐራገገ

እተ ሓጅ ሳልሕ። ህቶም ሐጅበር እት ልብሎ ፍንጌ ክልኢቶም ሳብሪን አዳበጠት እቶም።

“ሰኒ ማሰያም!? ደሐንክም ቱ አፎ አክል እሊ አድሕድ መጨርክም? ሚ ህሌት ሐዳስ?” ክልኢቶም ግረርም ጽብጣም እት እንቶም ትም ቤለው። እብ ህተ ትትሃጌ ወህቱ ነቅም፡ ክሌሕ ምሌሕ፡ ምን ገብእ እግል ልንቀም። “ትሃጀኮ” ቲሎም ከህተ አሰክ ምስክብ ረትዐት ምኖም። እሊ ወክድ እሊ አቡህ ክርንቱ ሕርዋት እት እንተ “ለወለት ንቄመ እትነ እም ዓሽ” ቤለዩ።

እም ዓሽ ሐሲነ፡ እተ ምሴት ለህ ለዐለት ሓለት እግል ትትዳገም በክት እብ ረኪበ አሰክ ምስክብ ሳብሪን ሀንፈአት እብ ሰዐይ። “ፍዝኪ ሊዴኒ ሳብሪን እሎም ሐውኪ እንቲ ፋኒቶም ዐልኪ ወለ ኖሶም ምን ኬን ኡብሐር ለሐዘ እግልኪ ህለው!? አቡኪ ዮም ክምእን እት ልብል ዔሬነ። አነ ህዬ ወለቼ ክሉ ክሉ ኬረ እት ሸፍር ህለ ወሄድያየ እሊ እተ ጀፈርክም ድካን ቱ ክምስል እቤሉ ርሕኪ እበዩ ትቀርብ ልብለኒ ህሊ። አይ ምን ገረግም አድሕድ እንቲ ካሬኪነ” ለህ እንዴ ኢትአክልሱ፡ ለህ እት ተአትዐሬ ሀገጊት እት ረአሰ አድሕድ ጠለዋም ወዴቱ ምነ ሐሲነ።

ሳብሪን እብ ሸፋገት እመ እት አፍገሮት መሰጠረ ሰኒ ሓረቀዩ። ክለ ለሓለት ህዬ አድሕድ መሰለት እተ። ምን አፍ በዐለ ለትፈግር ህዬ ሸማል ቤለ ቤለው ክምስል ፈርየ ይቅንት እት እንተ፡ ምንዲ ትገብእ እግል ሕርያን ደሚረ ህዳይ ምስል ናስር እት እንቲ፡ ለክዮር እግል ረቢ እንዴ ሀበቱ አቡህ ለልብላተ እግል ትሰመዕ ብጃመት ሰክበ እት ትሰሕብ አሰኩ ነወል ወዴት።

አብ ዓሽ ሳልሕ ምነ ልእቡ ፋፍ ልብል ለአምሰ ሁሩር እንዴ ትባረደ ጸንሐየ እግል ሳብሪን። “ሰኒ ማሰ ይበ!? መርሐበ ኮፎ አምሴኪ ይመ!? ሳምሐነ አነ ወእምኪ አድሕድ ሐርበዋ እት ነሐብል ጸንሐናኪ ገብእ!? አዳም ሐቆ አበረ ክምስልሁቱ ጣይ-አቡኪ! እንዴ ኢኮን ቀደም እለ ክርንኪመ ሰምዕት ኢኮን ቀንጸትኪ ኢኮን፡ አይ (ለህ እት ትብል ለህ በል) ልብሎ መትሃግዩት ትግረይት። ሐውኪ ዮም ምዕላይ እሰቦሕ እንዴ አተሰለው እቼ። ሳብሪን እትለን አምዴላት እለን ሕዱድ ሶዳን እንዴ ትዐዴት እብ ሻፍግ እጅራአት ጀዋዝ ቲዴ ብህላምዬ ህለው። አነ ላኪን ምን እለ ተአኬ ይእሰምዕ እት ሚ ውዕል አነ እምበል ረቢ ደሊኒ አለቡ። ወትገብእ እግልዬ ምንዲ እብል ህዳይ ሓግል ወተምኔት እግልኪ። ኖሼ እግል እትጨሌ እግልኪ። ሐቆ ሰዴኪን ረአዩ ክምእኒ መሰል ዐሊ። ወለ ትሰረረተ ደሐን ትጽነሐኪ። አነ ሚ እግል ኢበል በዲር ላቱ እንቲ ምንዲ ትገብእ ሸንሂትኪ ወአሰአልኪነ ወህቶም ምንዲ ገብእ ወሻወረውነ። ከግድም ደሐን ሌጠ” በልሰ እተ ከእተ ምክራሩ ትወለቡ።

ልተላሌ...



ምህም ከበርለ ዐለት ወወሬሕ ናይለ ፈጅራተ አምዕል ለህ እት እንቲ ዐለ። ሓጅ ሳልሕ እት ደሚሩ ዓቅሩ ለወዐለ ክበር ፍንቲት ወሰፈላል እት እንቲ ወዐለ። እሊ አማወር እሊ እንዴ ሰምዕ ምስሉ እት እንተ ሳብሪን ወለቱ ትሰፍለለ መሰከናይ ዋልዳይ። ደአም ለእግለ ወዴ ደዐለት እግሉ፡ ምራድ ወጠለብ ወለቱ ሳብሪን ኖሰ ሰበት ገብአ።

እመ ገሌ ምን ወለተ ለፈሀመቱ ተዩልል ሰበት ዐሊ፡ እግለ ለምን ብእሰ ልውሕዝ ለዐለ ሰአላት፡ እብ ክሰሰ ሳብሪን ገለብ ወሰታር እንዴ ገብአት እግሉ ትበልስ እቱ ዐለት።

“ሄዩእ!! ደሐንክም ቱ እንትም ዮም ኡብዓሽ አክል እሊ ምንዲ አተንተንክም እበ እለ ወለት? እመ ፍዝህ ትግበእ ሳብሪን ፋግረትመ ኢተአምር” እት ትብል ትበልስ እቱ ዐለት።

“እንቲ ህዬ ሃልኪቱ አክል እሊ

ስወር: ኡብረሃም በዩኔ

ተጠውራት መጃል ተዕሊም: ምዴርየት ሀይተተ

እተ ሐልፈ ወሬሕ ሰብተምበር: ሰሕፍዩን አርበዕ ጀራይድ ኤረትርዮ: እት አቅሊም ጋሽ-በርከ ዝያረት ሸቅል ዋድያም ዐለው። ከሰሕፊ መሐመድ እድረስ መሐመድ ምስል መስኡል ተዕሊም ምዴርየት ሀይተተ ኡስታዝ ዐብደልቃድር ዐብደል ለወደየ መቃበለት እንዴ ተሌት ትትቀደም።

ምዴርየት ሀይተተ ሐቲ ምነ 16 ምዴርያት አቅሊም ጋሽ-በርከ እት ገበእ: እት ከጥ ባርንቶ-ተሰነይ ለሀሌት ሐረከት ተጃረት ወዐዳገ ሰኔት ለባ ተ። ሰነፍመ እብ መጆቡ ምን ሰነት እት ሰነት እት ወሰኑ ገይሶ ህለው። መስነዕ ባናቶም -አለቡ: ሐርስ ጀሪፍ በልቃይ: ክምስልሁመ ወራታት ተጃረት ወጀራዲን: ለባካት እግል ትንበሩ ምነ ለአትሸንህ ጋራት ቲ።

ተዕሊም ዲብ ምዴርየት: ቀደም ሕርየት ሐቲ መድረሰት ሌጠ ዲብ ተዐሌ: አዜ ላኪን ምን መኣንብታይት አሰክ ካልኣይት ደረጀት 16 መድረሰት ህለዩ። ሴዕ ረውደት: ሰቦ ንቅጠት ምህር ዐረዮት: ወ48 ንቅጠት ናይ ምህር ዐባዩ ህለዩ። ከዲብ ምዴርየት ሀይተተ ተዕሊም እተ ዳሕየት ምዱድ ህለ እግል ልትበህል ቀድር። ምን ዳሕየት አሰክ ደረጀት ድጌ ክሩይ ህለ እግል ኒበል እንቀድር።

“ሄራርለ ተዕሊም ቀደም ወሐቆ ሕርየት ምን እንቃርን: እት ሀይተተ እተ መደት ሕርየት 222 ደረሳይ ሌጠ ዐለው። ሐቆ ሕርየት ህዩ ምን ወክድ እት ወክድ ዲብ ወሰክ ወልትፈተሕ ለመጽአ መዳርሱ: ዮመቲ ዐደድ ደረሳነ ምን ረውደት አሰክ 2ይት ደረጀት ዝያድ 7,500 ደረሳይ ባጽኣም ህለው” ልብል ኡስታዝ ዐብደልቃድር ዐብደለ።

እት ምዴርየት ሀይተተ 12 ዳሕየት ህለዩ: ሀይተተ ሐቲ ወሀይተተ ክልኤ: አለቡ: ብልቲብያይ: ገቦሽ: በልቃይ: ሀሪላቲብ: ጉርሰብ: ፌሰኮ: ሀይምደሚ: ሊባንያይ: ግራሽ ወዴሽኪት ልትበህለ። እትለን ዳሕያት እት ገሌሀን ሐቲ: እት ገሌሀን ክልኤ ወዲብ ብዕዳት ህዩ አሰክ ሰለሰ መድረሰት ለትከሰተየ ዲቦን እዳራት ደዋዩሕ ሰበት ህለዩ: መትመዳድ ተዕሊም ሰኔ ክም ህለ መደርስ ኡስታዝ ዐብደልቃድር ዐብደል ወዴሕ።

“ዐደድ መደርሲን እተ ምዴርየት ካፌ ቱ ሚ ኢፋሉ” እተ ልብል ሰኣል ዲብ በልሰ ኡስታዝ ዐብደልቃድር: “እትለ

ምዴርየት 198 መደርስ ብኩ: ምኖም ለ32 አዋልድ መዐልማት ተን። ዐደድለ መደርሲን ካፌ ምንመ ጉበእ: እት ኑዕየት ዶል ንትሃጌ ላኪን: እት መደርሲን ትግራይት ወዐረቢ ንቁሰ ብኩ። እሊ እግል ንባሌሕ ምስለ ሰካን እት ንትፋህም: ውላድ ዐድ እግል ለአድርሶ ለቀድሮ እንዴ አምጸእነ ነኣታምሙ ህሌን” ልብል።

“እሊ መዳርስ ሐቆ ሕርየት ለአፍረዮም ወአዜ እት ቀበት ዐዶም ከድሞ ለህለው ሰብ ምህናት ምን ለህሉ።” እተ ልብል ሰኣልመ ኡስታዝ ዐብደልቃድር: “እት ሰነት 1997 እብ ህግዩ ትግራይት እተ ትፈትሐት መድረሰት ዔሽንኪት: ብልቲብያይ: ሊባንያይ ወገቦሽ እንዴ ደርሰው መደርሲን ለጉበአው ብኩ። ምናተ: እት ቀበት ሀይተተ ለደርሰው ሰብ ምህናት በዝሐ ወመደርሲንመ እተ ክምስልሁ። እት አካናት ወምህናት ብዕድ ለሸቁመ ህለው”



እት ልብል: ምስለ ልትሰጀሎ ደረሰ ዶል ልትመግወር ላኪን: ለዐደድ ሰብ ምህናት ሐድ ክም ህለ መደርስ ዐብደልቃድር ለአፍህም።

“ሐቲ ምን መደት ሕርየት ለትከሰተት መድረሰት: ዮም ዝያድ ሰር ምን ደረሳህ እት አካናት ሰኔ እንዴ ትወዘዐው እግል ልትረአው ወጅብ: ሕነ ላኪን እለ ደረጀት እለ ባጽኣመ ይህሌኩ። ገሌ ምነ እተ ምዴርየት ለደርሰው ከዮም እት ለትፈናተ መካትብ ሕኩመት ለህለው ሸቃለ ላኪን ህለው።” ወሰክ ኡስታዝ ዐብደልቃድር።

እት ዕምር ድራሰት እት ህለው ለኢለኣቱ ደረሰ እግል ታዩኖትመ ፈሬዕ ተዕሊም ምዴርየት ሀይተተ ክልኤ ዶል በሐሰ ዋዲ ቲ። እሊ እግል ልታብዖ ምን ዕምር 4-9

ሰነት አጀኒት እቶም ፍድኢት ዶል ገብአት: 1,900 ጅነ ምን መድረሰት በረ ረኩብኩ። “እሉም እት ምህር እግል ልኣተው: ምስል ዐባዩ ዐድ ወለሰካን መሕበር ጎማት እንዴ ወዴኩ: ቃኑን አፍገርነ ወሸቄነ እብ። ምን እሉም ለዕምር ሓልፍ እቶም ዐለ አጀኒት: ንቀጥ ናይ ዐረዮት እንዴ ፈትሐነ እሉም: ብዝሓም ምኖም እት ምህር ክም ለኣቱ ወዴኩ። እት ዕምር ረውደት ለዐለው እት ረውደት: እት ዕምር መኣንብታይት ደረጀት ለዐለውመ እተ ደረጃቶም ኣቴናሆም” እንዴ ቢል: እት በርናምጅ ፍድኢት ሰጋድ ርሕም አዋልድመ: ዮም ዓመት ዝያድ 3,500 ምን ዕምር 9-14 ምን ድራሰት በረ ለዐለየ አዋልድ ራክባም ህለው። እሊ ህዩ: ምስል ኩለን ምስሎም ለሸቅየ አጅህዘት ሕኩመት ወመሓብር ቲ ለወደው። እለን አዋልድ እለንመ እት መድረሰት እግል ልኣተየ መዳሊት ወዱ እለን ክም ህለው ኡስታዝ ዐብደልቃድር

ህዩ: መዳርስ እተ ወሰክ አፍሱል ለሐዜ ዲቡ ወክድ: ለዋልዴን እብ ነሐርም ወማሎም እት ልትበርዖ: አጀኒቶም እት መድረሰት እት ለአመጽኦ: መሓግዝ ደረሰ ወመደርሲን እት ለአረትዖ ለወድዉ ዶር ቀሊል ክም ኢኮን ለአፍህም።

“ዶር ዋልዴን ምስል መዳርስ እት ሸሬሕ መደርስ ዐብደልቃድር: “ምን ምጽኣት ሕርየት አሰክ እሊ: እት ተዕሊም ተዕቢኣት እብ ለትፈናተየ ጀሃት ገብእ። እተ ምዴርየት ለህለው መስኡሊን አቅሳም: ወእብ ወሳኦል እዕላም ተዕቢኣት ገብእ። ሸዑብ እብ ክሰብ ተዕሊም ኢለኣምር እግል ቲበል ኢትቀድር። ሸዑብ ኩሉ መንፈዕት ተዕሊም: ወተዕሊም ሐቆ ኢረክበ ለትበይኡ መደረት ኣምረ ሀሌ። ላኪን ለተዕሊም እንዴ ተዐለመዩ ለጠምጠሙ ዳሊ ሰበት ይህሌ: ዲብ አምጽኣት አጀኒቱ

ዲብ ዐግሎ ተዕሊም እኩር ሀሌ። ሰበቡ: ለበዝሐ መጅተመዕ ናይለ ምን ምድር ተጀሞዕ እንዴ ፈግረ እት ብሩር ቲ ለሀሌ። ከእሊ ብዝሓም አጀኒት በክት ተዕሊም ክልኦም ሀሌ። እምበልሁመ ምን ዓፍየት ወከደማት ብዕድ ልትሐረም ህለው። ለመጅተመዕ ሕነ እብ ተዕቢኣት እት ተዕሊም እግል ነኣትዩ ነሐዜ ወሀቲ በረ ፈግር። ሰበት እሊ: መንፈዕት ተዕሊም እንዴ በዴት ምኑ እንዴ ኢጉበእ: ለዘትለ ምህር አክልሕድ ዳሊህ ኢህለ። ከአሰክለ ጠምጠም ተዕሊም ደሌ ተዕቢኣት ሌጠ እንዴ ኢጉበእ እግል ንጅብሩመ ለኣትሐዜ። እብ ተዕቢኣት ለኢመጽኦ እግልኩ: እብ ሓለትመ ክም ደርስ ትወድዩ። ሰበቡ ሓለት ወሰክ ምን ገብእ: እግል ትትዐወት እቡ ትቀድር። እግል ሙስተቅበሉ ሰበት ቲ ህዩ: ለፈሀም እብ ምልሃዩ እግል ልምጸእ ቀድር” እት ልብል: ፈሀም ሸዑብ እት ተዕሊም ሰኔ ክም ቲ: ክም ተኣምርታሁ



ኡስታዝ ዐብደልቃድር ዐብደላ መስኡል ተዕሊም ምዴርየት ሀይተተ

ዓመት ዲብ ክል ወራት ርያደት: ቂሾት ተዕሊም: ዓዳት: ዓፍየት ወገማል ምር ወኪል መደርስ እንዴ ፈንቴነ እሊ: መሕበር ጎማት ወዴነ እሉም። ምሸርፊንመ እት ናይ ኣካዳሚ ሌጠ እንዴ ኢጉበእ: እትሊ ጅግራታት ተዕሊም: ርያደት ወዓዳትመ ክም ለአሸርፎ ገብእ። ለመዳርስ ህዩ እብ ዋጅብ ሸቀየ እቡ። ክል ደረሳይ ህዩ: እትሊ ወራታት አሻረካሁ ምን ገብእ: እግል እት ምህር ኣትያም ለኢህለው አጀኒት ጃዝብየት ገብእ እሉም። ሰበት እሊ: ገሌ አጀኒት እሊ ወራታት ርያደት: ዓፍየት ወጅግራታት ተዕሊም ክም ረአው: እት ምህር እብ ኖሶም እግል ልትሰጀሎ መጽኡነ ህለው። እሊ ጅግራታት እሊ ህዩ: እግል ደረሰ ምህር ወመድረሰቶም ክም ፈቲ ወዴ ወመጅተመዕ ለቀይር ነሻጣትመ ህቲቲ። እትለን ለሐልፈያነ ክልኤ ሰነት: እብ ፍርቀት ናይ ኖሰነ ዓያድነ እንወዴ ለህሌናመ: ፍገሪት ናይ እሊ ነሻጣት እሊ ቲ። ከሰኔ እንጨቅጥ እቲ ለህሌነ ወራታት ቲ። ላኪን እተ ተውሲቁ ህዩ ንቁሰ ሰበት ብኩ: ለከሰሶም ጀሃት እግል ልወሰቁ ወልትኣከብ ቡ እብል” እት ልብል መክር።

ኡስታዝ ዐብደልቃድር ዐብደል እት ደንጎብ: “እት መዳርስነ ለህለ ክም ናይ ምህር ኮምፕዩተር ወከህረበት ለመስል ነዋቅሱ ውዛረት ተዕሊም ሕሰር እንዴ ሀበቲ እግል ትሰዴነ ዲቡ እትወሲ። ብዕድ ህዩ ሸዑብ ሕኩመት አብካት ተዕሊም እት ክል አካን ማደት እግሉ ሰበት ህሌት: እሊ እምበል ድፎዕ ህዩብ ለህለ በክት ዐቢ: ፋንጎሕ እብ ትዕሰ ሰበት ኢልትረከብ: ምን አዜ አጀኒቶም ዲብ ምህር እግል ለኣቱ እትፋኔ። እዲናመ: እዲነ ዕልም ወቲክኖሎጂ እት ትጉብእ ትሄርር ሰበት ህሌት: ለጅነ አዜ ለነቅሰት ምኑ: ፋንጎሕ ዋልዴንዩ ወደውኒተ ክም ኢልብል እግል ልትጻገም ወጅቦም።” እት ልብል ህግያሁ ለኣተምም።



ሰወር= አብርሃም በየኔ

እት ሹብህ መዲነት ሀይትተ ሓላዩት ለልትብህል ፍርም ሀላ። ምን ልጁን ለአቅባለዩ፡ ምን ዲሽ ሽቦሲ ለትሳረሐዩ፡ አንስ ሹሀደ ለመሰለ መስኩልዩት ዓይላት በነን ለራፍዓት 60 አንሳይት እብ ሸክል መሕበር እንዴ ትከምከመዩ ለአሰሰዮሁ ፍርምቱ። መለሀይነ መሐመድ እድሪስ መሐመድ ምስል አንፋሩ እምሕቡር ዐላ፡ ጭመም ለሀጅኩም እለ ተሌተ።



አሰይደ አምነ መሐመድ



አምና ሓጅ



ሓወ መሐመድኑር

አምነ መሐመድ አሕመድ ሐቲ ምነን ወመስኩለተን ተ። እብ ክሰሰ ተክዊን ናይለ መሕበር እት ትሸርሑ፡ እት ሰነት 2006 ሐድ 60 አንሳይት ምስል እንዴ ትከምከመዩ ለክስተዮሁ ቱ። እለን አንሳት እለን ለበዘሐ ምን ዐለዩ - ሶዳን ለአቅባለዩ ወገሌም ምን ዲሽ ሽቦሲ ለትሳረሐዩ መኖድላት ተን። እድንደይት መዝመት ላጅኡገ(UN-JCR)፡ እዳሪት ምዴርዩት፡ መሕበር ወጠን አዋልድ አንሳት ኤሪትርዩ ውበዕዳት መሓብር ወጅሃት ሕክመት እንዴ ትጋመው፡ መዝበረተን እግል ለአሰንዩ ለትሰድዩን መአሰሰት እስወ ተሐይስ እንዴ ቤለው እትሊ ሕርያን ክም ዋፈቀው ተሐብር። እተ ሰልፍ አንሳት በይነን ፍርም እግል ለአሸቅዩ ቀድረ መኢኮን ብዙሕ እትክሐድ ዐላ፡ ሐር ላኪን ሽቦሲ ኤሪትርዩ ምን ሸቅል ሐር ለልብል ሰበት ኢኮን ኢሊሐይለን ትብህለ ከእት ዐመል እግል ልትባሰ ገበይ ጠፍሐት። እታመ ተክዊን

ለሸቅል መን ተክነጅሑ ግድዐት እስወ ምን እስወ ተሐይስ እንዴ ትብህለ እብ ክለን ጀሃት ሕርያን ገብኦ ወእት ፈብሩወሪ 2006 ለሰስ እሲት እት ሸቅል ክም ልትባሰ እት ክላሰት ትብጸሐት። ምናተ ለምን ሶዳን አቅባለዩ ብዝሓት ክም ተክቢዮሁ ወለዕልብ እግል ለአትምሃሁ ክም ኢቀድረዩ አንስ ሹሀደ ላተን ወምን ዲሽ ሽቦሲ ለትሳረሐዩ መኖድላት እንዴ አተዋ እቱ፡ እብ ዐመል ለትባሰ 55 ዐለዩ። እበ ሰልፈን እግልንመ ሰኒ ክቡድ እንዴ ገብኦ ልትረከዩን ዐላ፡ ምናተ እት ሸቅል ክም አተዋ ለኢልትቀደር ክም ኢኮን ትዩቀነዩ። እምበል መቶር ለሀሀርስ እለን ወእት ፍርም ለልኣቱ እለን ክልኣት ተብዐት፡ ክም ዕጅነት፡ ካበቦት፡ መልእ ዐረባት ዝቤ ባኒ . . . ለመሰል ሸቅል ክሉ ኖሰን ትባሰዩ እቱ።

ዕዱ ፍርም ሐላዩት አሰይደ እሙነ ዐሰማንመ ሸቅለን ከፎ ክም ዝመዮሁ እብ አሳስ ለትሸርሑ፡ ለአንፋር ክለን እት ሐምስ መጅሙዐት እንዴ ትረተብዩ ክል መጅሙዐት 10 እሲት እግል 10 ምዕል ልትፈረረ ወሐቀህ እለ መጅሙዐት እለ እንዴ ዓረፈት መጅሙዐት ብዕደት ትትክበተ። እለ ለዐሰር ዮም ትፈረረት መጅሙዐት ለእለን ኣቱት አክልሕድ ትትካፈለን። በዲር ሐቲክ ብጽሐተ እት እዴህ ትትሀዩበ ዐለት፡ ዮም ላኪን ደፋትር ባንክት ምን ፈትሐዩ ክል ሐቲ ማለ እብ ቼክ እንዴ ነስሐቶ እት ደፍተር ሕሳብ ልትከራ እለ።

አሰይደ አክበረትመ ፊድል እለ መአሰሰት ድራረን ክም መልክዩ፡ አጀኒተን ክም አድራሰዩ ወደረጀት ሰኔት አብጸሐዩ እንዴ ሸርሐት፡ ለእት ሰልፍ ትገብእ እለን ዐለት ሰዳዩት በህለት ሐሪጭ እብ ዐውል ራቴዕ ምን ሕክመት ትትሀዩበን ለዐለት ሐዞት፡ ባጥረት ሰበት ሀሌት፡ እግል ተኣተላሌ ትትሐሰብ። ለሐሪጭ ዲብ ሰግ ቃሊቱ ወእብ ቃሊ ሐቆ ትዛቤ ተኣቀሌ ወምስል ቀሎት ለልትሐዜ እተይ ኢልትረከብ እት ትብል ተኣፍህም። ዮም አንሳት መአሰሰተን ኖሰን እግል ልምረሓሁ ክም ቀድረ ርኡይ ስሙዕ ጋብእ ሀላ፡ እግልን ለመሰለ ዲብ ተሰነይ፡ ፎርቶ ሳወ ወክልእ አካን ሀለዩ፡ ጀራዲን ለለዐምራመ ሕዳት ኢሀለዩ፡ ክእነ ክምሰሌን መሰል ሰኔት ለገበኦ ብዝሓት ተን ለሸቂ ከምን ሀበኒ እግል ልትሐረር ለለሐዜ ለምን ሕክመት ረክበ ሲናዶ ደረጀቱ ሰበት ትረፍዕ እግል ትትረፍ አለበ ሀሌ ወሰከት።

አሰይደ አምነ ሓጅ እም ሰቡዕተ፡ አጀኒተ ሀሌ ጸረ ሌጣቶም፡ እትሊ መሕበር ፍርም እንዴ ኢተኣቱ ለዐለት ሓለተ ብዙሕ ስድት ነብረት። ዲብ ጸሓይ ወውልዋል ልጌማት ተኣዘቤ ዐለት። እበ ህተ ቴለ አምዕል በኪተት ዕዱ እለ መሕበር ገብኣት፡ እት ጽላል ትገሌት፡ አጀኒተ አድረሰት፡ ህይብተ ለዐለት ድምረት (አርድዩት) እብ ኢረኪብ ማል ተኣተቅብለ ለዐለት ደራይብ ወክሉ ለልትሐዜ ደፍዕያተ እንዴ አትመመት ቤተ ነድቀት፡ ምን መሕዝ ሰበት ረትዐት ሀሌ እግል ብዕዳት ለትሰዴ ወትመክር ገኣት። ጀረካን እት ረከሰ እንዴ ረፍዐት

ማይ ትወርድ ለዐለት ካሮ ትዛቤት ከምን ጅርበት አባራት። ህዳይ ውላደ ሓለፈት፡ ምሮ ወልደ ሀሌ መዐልም እንዴ ገብኦ እት ሀይትተ ለአደርስ ሀላ። ውላደ መሰተቅብሉ እግል ልሰኔ እበ ወዴቱ ጅህድ ዮም ለልትወረስ ዳር እክብት እሉም ሀሌት ወእብ ሸቅል እንዴ ትሰሐለው ናጅሓም እግል ልግብኡ እብ ክሉ ሓለ ትጸገመት።

ለአንሳት መዝበርህን ለአትሓዩሰዩ ተድብርትመ ምን ለምደያቱ፡ ምን እለ መአሰሰት ለትረከበ እተይ ሰሩ እት ባንኪ እት ከርያሁ ወሰሩ እት ልትነፈዕ እቡቱ ሐድ ክልኤ ሚልዮን ነቅፈ ረከሰማል እግል ልኬልለ ለቀድረዩ። ሕርያት እቅትሳድ እብ ተቃርብ ኢትመጽእ፡ ጸገም ትሩድ ወበታክት ምስል ተድብር ወኬለሎት ተሐዜ፡ እብ መራር ክም ተሐቀቀት ሀሌ ምን ፍሬህ ልጥዕም አለበ።

አሰይደ ሐናን ዐሰማን ሀሌ፡ “ስድትነ ገድም ዳገምናህ እለ ናይነ ለብዕዳት ሐዋትነ ልርከባህ እንፈቱ” ሐቀለ ትቤ፡ እግለ ረሐን እግል ልቅደረ ወሕርያት እቅትሳድ እግል ልምለክ ለትጸገመው ክሉም “ጽምድ ውቱድ ልግብእ!” እት ትብል ትድሕርም። እብሊ ፍርም ሌጠ ግሰያት ክም ኢኮን፡ ንዋይ ለተባዩ ሐለቡ ለሰትዩ ወደለ ተብዐት እት ለአዘብዩ ጋራተን ለለረተዐ ክም ሀለያመ ለሐበረት አሰይደ ሐናን፡ ህተ ኖሰ እም ሰማን ክምተ ወምን 2006 ለትዋለደው ምን ገብኦው አጀኒተ አዜዲ ሳወ ለትከረ ወደረጀት ዐባይ ለበጽሐ ምንመ አለዐም እት ዐባይ እግል ልብጽሕ እለ ወድራርም እግል ተዓቤ ትከድም ሀሌት።

ለአንሳት ምን ድራረት ዮም እንዴ ሐልፈዩ እብ ፈጅር ክም ለሐሰበ ልትሀደግ ጸንሐ። ለሕሳብን ሀሌ እት ሐቲ ዓይላተን ለትኬለበ ኢኮን፡ እግል ሐምስ - ሰስ ለገበኦ እብ ሞት ለትፈንተያህን መልሂተን አጀኒተን ክም እማቶም እንዴ ገኣዩ ለዓብያህም ወእንዴ ኖሰን ሸቀዩ ክምለ እማቶም እብ ብጣረን ለሀለዩ ገርዝህም ከፍላህም።

አሰይደ ሓወ መሐመድ ኑር ተብሂሰትለ ፍርም እት ትፈቅድ፡ 100 ኩንታል ፊፍ፡ በርሚል ጃዝ፡ ለቢቶ ወዜድ እንዴ ተሀዩበዩ ክም ትባሰዩ ትሸራሕ። እንዴ አትሌት፡ “ለሸቅል ኖሰነ እት እንወድቅ ወእንቀንጽ ለመድናሁ፡ እግልሚ ምን ዲሽ ክም ትሳረሕን እትሊ ጋድም ረበርብ እት ደፍነን ድራረት ላለን ነሐዜ ለዐልነ እት ጽላል ምን አቲነ ወሰብ ናይ

ምንገብኣነ ሐበን ትሰምዳ። ሐር-ሐር ሀሌ ይእንቤ እት ሸቅል ጠብ ተዐንደቅነ። ዮም ረከሰማል ዋድያም ሀሌክ፡ ወደፋትር ባንክት ወሕሳባት ቼካት እንዴ ፈትሐነ ማልነ እብ ንዛም ሰኒ ንትነፈዕ እቡ ሀሌን” ወሰከት።

መሕበር ወጠን አዋልድ አንሳት ኤሪትርዩ ለመአሰሰት እግል ልርከበ ለትጸገገ እለን ወእግለ ትክሰሰ ጀህት ለአተቅነዐ ምን ገብኦ ብዙሕ ለሐምዳሁ። አዜመ ረከሰማልን ለዐቤ ሰበት ሀለ ወመአሰሳት ብዕድ እግል ልወሰክ ንዩት ሰበት በን ምስለን እግል ልብጠር ወክምለ በዲዱ እግል ልትጸገግ እለን ለሐዝያሁ ሀለዩ። ዋጀህን ለሀለ መታክል ደጊግ መድዑም ወጃዝ፡ ክምስልሁመ እብ ሕክመት እግል ዝቤ ለመጽእ ክም ትራክተራት መስል ተኣሰትህለን እግል ልርከበ ምኑ እግል ልትጸገግ እለን ወአመተን እግል ልድሌ ሀሌ ትላከዩ። “አብሸርካመ ደቅብ ተሀይብ፡ እብ ብዕደት እግል ልሰዴን ምን ኢቀድርመ ሚ ሀሌክን ወአብሸርክን እግል ሊበለነ ነሐዝዩ” ትብል መስኩለትለ መሕበር አሰይደ አምነ መሐመድ።

ህግያህ ዲብ ተኣተላሌ “ለግሩሽነ በደል ግምሽ እት ባንክት ልትከፈ፡ ጣሑነት እግል ኒዴ፡ ደካኪን እግል ንፍተሕ ብዕድ መአሰሳት እግል ነኣንብት ምራድ ብክ፡ መ.ወ.አ.ኤ.ሄ ሀሌ እትሊ በርናመጅነ እግል ልሰዴን ነሐዜ” ትቤ።

እት ሰነት 2002 ምን ሱዳን ዐደ ለኣቲት አሚነት ማል ናይለ መሕበር አሰይደ እሙነ ዐሰማን ፡ “ገሌ ምን ጀማዐትነ እብ ይአምር እሲት ከእፎ ከፍ እንዴ ትቤ እት ሻርዕ እንዴ ፈግረት ትሸቂ ወእት ፍርም ትውዕል ወትመዩ እንዴ ቤለዩ ተርፈዩ ምኑ ከበክተን አትሐለፈዩ። ሕነ ላኪን እብ ጅድዩት ሰበት ጸበጥናሁ ዮም ሰብ ረከሰ ማል ገኣነ ሌጠ እንዴ ኢገበኦ የታይም ናይለ ትወፈዩ መልህያትነ ነዓቤ፡ ለዐባዩ ወፍራረት ለኢቀድረዩ፡ ዕንታት ለጠልመዩን መልህያትነ እት ቤተን እንዴ አትገሰናህን እንሸቂ ወክመ ምስልነ ለልትፈረራህ ለገርዝህን ነህይብን፡ ምንእነ እብ ሕማም ለትቀይብመ ሕክምናህ ቲዲ ነሐድግ ወዋክተ ነህይቤ፡ እለ ሀሌ ለመቅሬሕ፡ ኤማን ወውፋቅ ምን ሀለ ሳመ ድራረትነ በርከት ትወዴ” እት ትብል ውፋቅ አንፋርለ መሕበር ተኣፍህም።

ለመሕበር መሕከመት ወበለድዩት ለተአምሩ ደራይቡ ለደፊዕ ወደሰቱሩ ለብእቱቱ። ህተን ላኪን እብ ቃትን ሌጠ



አሰይደ አክበረት ፍሰሃዬ



እሙነ ዐሰማን



ሐናን ዐሰማን

ኢልትመቅረሐ። ክም ሐቲ ዓይላት እንዴ ገኣዩ ሰበት ሸቅዩ ለሐመት፡ ለሞተት ለመሰከነት እበ ቃትን ልብለ እንዴ ተሌክ ዋጅብ እንዴ ነስሐት ምነ መሕበር እግል ትነወክ ኢሊሐድጋሁ። ክምለ ልትሀደግ ጸንሐ፡ ለሀለዩ ሸቅዩ ወእተዩን ምስል ለየታይም ልግበእ ወሐማይም አንፋረን ልትካፈላሁ። ሰዳይት ሕድ ነባሪ ኤሪትርዩን ምን ገብኦ ክለን አንፋር መሕበር ሕበር ልትደረረ።

እት ደንገበ እለን አንሳት ለፊናህን ደግመያሁ። እለ መሕበር ሕክመት እብ ቀሊል እግል ትርኣዩ አለቤ 60 እሲት ሐቆ ሀለዩ እቱ ዲብ ሐንቴህን ክም ጅነ ለዐቤ ወክም ግዱዕ ወየቲም ልትረዳ ሀለ እግል ልትረኤ ቡ። ሰበት እለ ለሕክመት ትድዕሙ ሐሪጭ ምኑ እንረከበ ለዐልነ ኩትነን ተኣቅብለነ ነሐዜ ሀሌነ ተን ለልብለ። እለን አንስ እለን ለፍርመን አሰክ ረከሰማል እንዴ ወደ እብ ክልኤ እግሩ በጥር ነፍሰን እንዴ ሐድገዩ ማል ተድብረዩ። እብ ፈድሉ ሀሌ ለመአሰሰተን እተ አቅሊም ደቅብ ላበ ገብኣት እለን። ንዩተን ለሀሌት፡ እንዴ ዓቢያህ ውበዕድ መአሰሳት እንዴ ወሰከዩ እት ውላደን ወውላድ ውላደን እግል ለኣልፋቱ። እብለ ተዐወተዩ ምንገብእ እተ እቅትሳድ ናይለ ዐድ ወእተ ሰን ናይ ለዓይላት ግዴት ሰኔት ክም ወይደ እሙር ቱ፡ ከእባቱ “እግል ልትሀመል አለቡ ክልኩም ለአትባሰኩነ እት ዐቦት ሰደዉን” ልብለ ለሀለዩ።



ፍርም ሐላዩት

“አሰይድ በረከት ተክሌሰላሴ ወዲ ስርዓቱ”

እትሉ ምዳርየት መንደራረ ለህሊ አፍረግት ሰልፍ ፈረሰ ዐማር ብቅል፡ ፈረሰ ሐመሊት ወፍሬታት፡ ፈረሰ ርዝቅ ንዋይ፡ ፈረሰ ሕፍዘት ማይ ወትርበት፡ ከምሰልሁመ ውሕደት ዐዳገ ወሰልፍየት፡ ወዐቦት ነብረ ለከምክምቱ። እብ ዓመት እለን ለእቤለን አፍረግት ክል ምነን ናየን ሽቅል እንዴ ጸብጠ ወእብ ሕበር ዲብ 15 እዳራተ ደዋሒ ምዳርየት መንደራረ ሐብሬ ወታዕበኢት እግል ሐረሰቶት ዲብ ሂበት ወዲብ ራቀቦት ወሰጅያት ሐረሰቶት ልትሐረከ። እብ ፍንቱይ ዲብ እሊ ሐጪር ወክድ ለአሰብደ ዲብ ገርሀት ሐረሰታይ አድራሶት ሐረሰታይ ለልብል በርናምጅ እቡ መሻክል ሐረሰታይ ታብዖ ወእስክ ምን ለዐሉም ለሐልፎ። እሊ በርናምጅ እሊ እግል ሰርገሎት ምን ለህለው እግልነ ሰብ መቅደረት 75% ዲብ እሊ ሽቅል እሊ ልትፈረሮ እት ህለው 25% ህይ ዲብ መክተብ መርከዘየት ናይ መንደራረ እንዴ ገብአው ሸቁ። እሉም ክሉም ሰብ መቅደረት ፈረሰ ወዛረት ሐርሰ ክል-ሐቴተ እብ መቅደረቱ ወእብ ሕበር መጃል ሕፍዘት ማይ ወትርበት ወቀያየሮት ዘርእ እት ግራህ ሐረሰቶት እንዴ ረከዘው መ ከድሞ። እሊ ህይ ዲብ ሽዑብ ተቅይር እት ለመጽእ ገደሰ ህለ። በዲር ክል ሐረሰታይ ክመ ለሐዘዩ ሌጠ ዘርኡ ለዐለ አዜ ላኪን እት ለሐልፈት ሰነት ዝሩእ ለዐለ እንዴ በደለው እሊ እትጃህ እሊ ማሽሊ ገዝርኡ ልብሎ እት ህለው ለብዕድ እትጃህ ጣፍ ክም ዘርኡ ወዱ ህለው። እብ ደረጃት ደገጊት ለአርድ ዘርእ እንዴ ቀያይሮ እግሎ ፍሬ ሰኒ ክም ለህይብ ከድም ገብእ ህለ። ብዕድ ሕሩይ ዘርእ ሽንራይ አቴለ -ሰበን ለልትብህል እትሊ ወክድ እሊ እብ ሽዑብ ዲብ እተዩ ውነብረሁ ኩብቲ ሰበት ረክቡ ዲብ እለ ሰነት እለ ክም መሰል ዝያድ 3 አልፍ ሄክታር ሽንራይ ዝሩእ ህለ። ሰበት እሊ ምን ካርጅ ለንታከዩ ሽንራይ ምን ሰነት 2021 ወ2022

እንዲያውም አሰብዳሪ ምት እንዲህ ትናገሩ፡
ዲብ ዐድነ ክም ልደመን ልትሸቁ ዲብ ሀለ።
አሰደድ በረከት እምበል እለ፡
ሕሩይ ዘርእ ድንሽ ዲብ አትናያት
ሸቁ ክም ሀለው ወዛረት ሐርስ ህዬ
25% ምን ዐዳገ ዝያድ እንዴ ሀበት
ትብብዩ ሞኖም ክም ሀሌት፡ ምን 3
አስክ 6 ወራሕ እንዴ ከዘነት ህዬ
ምን ሐዲስ ዲብ ሐረስቶት ክም
ልትወዛዕ ትሸቁ እቡ ክም ሀሌት
ወደሐ። ከምሰልሁመ ሞዑም ዘርእ
ድንሽ እግል ንዋይ ወኡዳም ለገብእ
ዲብ አትናያት ክም ሀለው አስክ
እለ ላኪን ክም ለአትሐዜ ብጾሕ
ክም ኢህለ ሐበረ።
ንዋይ ዲብ አበርካት ካድም
ገብእ ክም ሀለ እብ ፍንቱይ እግል
ሐሊብ ለትገብእ ኣሐ፡ ምናተ ምሰለ
መሻክል ዐለፍ ንዋይ ላኪን ብዙሕ
ምንመ ኢኮን እብ ደረጀት ማሕበር
እንዴ ትከምከመው ለከድሞ ሐድ
1800 ለትገብእ ኣሐ ለመልኮ
መፍርየት ሐሊብ ሀለው። እሉም
ህዬ ክም መኣሰሰት ዲብ ዐዳገ
ከርዉ። ዓፍየት ንዋይ እብ ፍንቱይ
ክም ሕማም ፍርማይ ለመሰል
እግሉ እግል ዳፍየት ክል ሰነት
ፍድኢት ልትህዩብ። ምን ሐሊብ
ለመጽእ ሕማም ክም ከረ ቡርስለ
ምን ንዋይ ዲብ ኣዳም ለልሐልፍ
እግል ዳፍየት ጅህድ ገብእ። እብ
ዓመት፡ ዮም ዓመት ህዬ ምሰለ
ለዐለት ከረም ኣንውየት ዲብ ደሐን
ደረጀት ሀለ። ከምሰልሁመ ክል
ሰነት ናይ ሚልከት ለዐም ኣክላብ
ፍድኢት ገብእ። እግልሚ ፍድኢት
ኢትህይብ ገብእክ ምንገብእ ለእብ
መሸርዓን ኣክላብ ለመጽእ ሕማም
እቡ መደረት እግል ልምጸእ ሰበት
ትቀድር። አስክ እለ ላኪን እግል
ንትዐወት እቱ ቃድራም ለኢህሊን
ሚልከት ለኣኣለዎም ናይ ከደን
ኣክላብቱ እለ ህዬ ካድም ልትጸበር
ምኒን ለህለ ሸቁልቱ።።።
ሽዑብ ማይ ወትርበት ዲብ
እንዴ ተኣፊዝ ግርሁ እግል ለአሰቱ
ወእተይ እግል ልርከብ ትሉሉይ
ጅህድቱ ገብእ ለህለ። ከምሰልሁመ

ለደመረ ዕጨይ እግል ዐወዶት ክል ሰነት ሐድ 200 አልፍ እት መራክዝ ሸትል እንዴ አሸተልን እት ሸብ ልትወዛዕ። ክም መስክል ዮም ዓመት 200 አልፍ ለጉብእ ሸትል ዲብ ሸብ እንዴ ትወዘበ ትሸተለ ወ 90% ምኑ ጸብጥ ህለ። ምን እሊ ለትብህል 38 አልፍ እብ ደረሰ እግል ከረመ ለትሸተላቱ። ሰባት እሊ ዕጨይ ዲብ ሰኔት ሐልት ህለ። ለሐልፊ ወክድ ሐንቱ ራዐዮት ገቢል ለዐለ አዜ ክም ልትሐዘዕ ጋብእ ህለ ልብል አሰይድ በረከት ወዲ ሰርዓቱ።

ናይ እሊ ሰነት እሊ ከረም እብ ከስስ ህይ አሰይድ በረከት ምን ቀደም 10 ሰነት ለዐለ ለሐሰ ክምቱ ወደሕ። ሰልፍ ዲብ ወሬሕ ማርስ ለዘልመት ዝላም ሐረሰቶት አወላይ ሐርሶም እግል ልሕረሶ ሰዴቶም። እሊ ህይ ገሌ ምኖም እብ ተረክተራት ለሐርሶ እት ህለው። ለበዝሐው ላኪን እብ ኡብዕረቶም ለሐርሰው። ምን ዲብ ምዴርየት መንደፈረ ለህለ ሐድ 13400 ሄክታር አርድ ሐርሱ። ሐድ 10200 ሄክታር እክል ጣፍ፡ ዳጉሱ፡ መሼሉ፡ ዕፋን ውብዕድ እግል ልትዘራእ ቀድረ። ሐቆ እሊ ለመጽእ ቅርጡጥ ቱ።




እሊ ህይ ክልኤ ምረት ልትዘራእ፡ ሰልፍ ዲብ ወሬሕ 6-7 በልዱንጋ (ሰበሬ) ልትዘራእ፡ ለካልኦይ ህይ ዐተር ቱ እሊ ሐድ 2631 ሄክታር ዲቡ ትዘረኡ። ናይ ዜይድ ለመስል ህይ ክም እንግጠዕ ወአድር ሐድ 154 ሄክታር ለጉብእ ትዘረኡ። እሊ ክሉ ልትርኤ እት ህለ እብ ፍንቱይ ቅርጡጥ እብ ወዛረት ሐርስ ዲቡ እግል ልብጸሕ እንዴ ትብህለ ለትከጠጠ በጽሕ ህለ። እግልሚ እቱ ዝያድ ኡትናያት እግል ልግበእ ልትሐዜ ሰባት ህለ።

ሽረሕ አሰድኖ በረከት፡ ሀረሞ ወለትፈናተ ሕማም እግል ለሀውን ክም ቀድሮ፡ ከምሰልሁመ ክም ነቲጀት መዓድን አርድ ዲብ አደቀቦት ነቲጀቱ ዐባይ ክምተ ሽርሕ። ከምሰልሁመ ሽትል ዕጨይ ሐድ 200 አልፍ ለገብእ መርከዝ ሽትል ክም ህለ እሊ ለ80% ምኑ ቀላሚጦስ ክምቲ፡ ህቲ ምሰል ጠለብ ናይ ሽዑብ ለገይሰ ክምቲ፡ ወእሊ ዕጨይ እሊ እብ ጠቢዑቲ እንዴ ቀረፍካሁመ ካልእ ዶል ናይ ውሽዑት በክት ሰበትብ፡ ወእብ ሽዑብ ናይ እሊ ባካት ርቁብ ሰበትቲ እንዴ ረከዘው ክም ሽቁ ዲቡ ወደሐ። እሊ ሽትል እሊ ዲብ መዓርስ መዓብድ ወለጠልበ ሽዑብ እግሉ ልትህየብ፡ ምኑ ወኬን እብ ሐምለት ናይ ሽቲል ልትሸተል። ክም ነቲጀት ህዬ ለትትሐመድ ደረጀት በጽሕ ህለ።

ሽፍር ሰናዒ ዲብ እሊ ወክድ እሊ እንዴ ተርፍቲ ገይሰ ለህለ፡ እግልሚ መደረቲ ዲብ ትትኬለም ሰበት ትርኢት። ዲብ ጽበጥ አርድ ከምሰልሁመ ወድ-አደሚ እግል ልብልዑ ለኢለቀድር ኪማእ ሰበት ብእቲ፡ እምበልሁ ምን ካርጅ እብ ውቁል ሰርፍ ሰበት መጽእ ክም




ነቲጀት ዲራይ ሌጣቲ። እብ ፍንቲይ እግል ሐረስታይ መ ህት ክም ልትዐለም ወደዩ እግልሚ ሃረሞ ኢልትፈረር ወኢገሴ፡ እበ ሽፍር ነቲጀት እግል ልርከብ ዲብ መጻባር ገብእ ሰበት እሊ መደረትቲ ብዝሕተ። እሊ ለእንቤሉ ክሉ እግል ሳረዮት እብ ወዛረት ርዝቅ በሐር ወወዛረት ሐርስ እብ መትዓዋን ምን ሃረሞ በሐር ወዓሰ ለልዓሌ ፌሻይ ሽፍር ህለ፡ እሊ ፌሻይ ሽፍር እሊ ሰለስ አርበዕ ዶል ጀርቤ ጋብእ ዲብ ህለ ወእብ ሐረስቶት ኩቡቲ ራክብ ህለ። ክም ነቲጀት ትርበት ለአሰኔ ወባልዒን ወሃረሞ ሰበት ዳፍዕ ነቲጀት ውቅል ለህይብ። ለኪማእያት ብዕድ እግል ንህብ ከምሰልሁመ ምን ሐርስ እንዴ ረከብን ለእንበልዑ ዲቡ መደረት ወዴ። እሊ ኣዜ ለትአታትዩ ለህሌን ፌሻይ ሽፍር ላኪን መደረት አለቡኒ። ብዕድ እምበልሁ ትምፖስት ለልትበህል ሽዑብ ምን ግማመቲ ዲብ መስከቡ እግል ለአዳልዩ ለቀድር እቲ ብዙሕ ጅህድ ገብእ ህለ። ወእብ ከአፋ



ክም ልትለመድ ወዲብ መንፈዐት ክም ልውዕል ህዬ ልትከደም ዲቡ ህለ። ምስሉ ምን ፍሬ ሚም፣ ቀረፍ መረፍ ናይ ቤጭ ወቶም ለመሰል ለልዳሌ ድድ ባልዲን እግል ሰንዐት ወአልመዶት መ እብ ሰብ መቅደረት ናይለ ምዴርየት ልትሸቁ ዲቡ ክም ህለ ወደሐ። ዲብ ገሌ ሐረሰቶት ህዬ ክም መሸሮዕ ናይ ጀርቤ እንዴ ትነሰአ ልትሸቁ ዲቡ ህለ። ሰበት እሊ ምን ካርጅ ለመጸአና ሸፍር (ሰማድ) መንፈዐቱ ዲብ ትደሀር ትመጽእ ህሌት እብ አሳሱ ህዬ ለእንበልዑ ነበረት ድሙን እንዴ ገብእ ገይሰ ህለ።

እት አክር አሰይድ በረከት፣ ሐረሰቶት ናይ ሰብ-መቅደረት ምክር እንዴ ሰምዐው እግል ልክደሞ፣ እግልሚ ለኢለትሐዜ ደዋ ምን ቃኑን በረ ላቱ ሰበት ልትረከቡ፣ እሊ እግል ሀረሞ ወባልዲን እንዴ ቤለው እግል ኢልትነፍያብ፣ እግልሚ ወክዱ ለሓለፈ ውብዕደት መደረት ለለመጽእ እግል ልግበእ ሰበት ቀድር። ከምሰልሁመ ደዋ እንዴ ሓባበረው ለልትነፍያ ህለው፣ እሉም እግል ለአሙሩ ለወጅብ፣ ደወ ዶል ተሓባብሩ ዴራይ እንዲኢኮን መንፈዱት ክም አለቡ አፍሀሞቱ። እምበል እሊ ሸዑብ እግል ለአምሩ ለወጅብ ምር በይኑ እግል ልብቀል ለልሐዜ፣ ብዕድ ዲብ ባኑቱ ለኢለአበቅል ሀረሞ ህለ። እሊ ህዬ ሸዑብ እብ ሕበር እንዴ ገብአ እግል ልዳፍዑ ኢሳረተ ህቱ እንዴ በዝሕ መጽአ ምንገብእ ነቲጀቱ እኩት እግል ትግበእ ትቀድር። እምበልሁ ምን በዲር ለጸንሐ ጊልሒጠ ለልትበህል ሀረሞ ህለ። ዘርእ ክሉ ረአሱ ለለአበዴ እሊመ ማሽሊ እብ ትቱሉይ ዲበ ትዘርእ ዲቡ ወክድ አው አርድ ለልድዕፍ እቱ ለልትርኡቱ። እሊ ዌራይ ላቱ ሀረሞ ሸዑብ እግል ለአብደዩ በዳደሉት አዝረአት እግል ልትነፈዕ፣ አው ህዬ ለአርዱ እግል ልግለቡ ንትወሴ ልብል። እብ ዐቢሁ ህዬ ሸዑብ ዲብ ኬወ ሕፍዘት ማይ ወትርበት እግል ልፈድብ! እግልሚ ለትከደመ ዲቡ አርድ ነቲጀት ሰበት ለሀይብ እግል አትፋቅድ አሐዜ እት ልብል ተውሰዩቱ ለሓልፍ።



ሸባብ

ነጃት ዑመር



ወጠን ወወጠንዩት እንቤ ምን ገብኤ፡ ሐጪር ተፍሲር ወመፍሁም እቡ እግል ነኝብት። ወጠን ለዲበ እነብር ምልክነ ለገብአት ደውለት ትገብእ ዲብ ህሌት፡ ወጠንዩት ህዬ፡ ለብናቱ ሽዑር ወጠን ወክል ዶል እብ ክሱሰ ለነሐሰቡ ወጠንዩት እንብሉ። መሰለን፤ እለ ወጠን እብ ዐውል ቃሊ ለመጽአት ሰበት ተ፡ ሸባብ እት ወጠንዩቱም ትሩዳም እግል ልግብኦ እንመክር። ከወጠን ምድር፡ ወወጠንዩት ሽዑር ፍቲ ደውለት በሀለት ተ።

ሽዑብን እግል ወጠኑ ለሸቀዩ ምስትንክራት ለልኦትዐጅብ ታሪክ ተ። ታሪክን ለልኦትብተ ኣማንመ፡ እሊ ዐጃደቦታት፡ ሽዑር ወጠንዩት ውቁል ምን ኢለዐሌ ክም ወኢትሸቀ እመር ተ። እሊ ታሪክ እሊ ህዬ፡ ሸባብቱ ለሸቀዩ፤ ደውለት ለልኦትሕን ወእግል መንገፍህ እምበል ሕላሌ ለከድም፡ ክም ትትዐመር ወትጠወር ለወዲመ ሻብቱ። ሽዑብ ቀደም ክም ለሄርር ለወዲመ ሸባብ ተ። እሊ ዋጅብ እግል ኣግደዮት ህዬ፡ እት ፍንጌ ወጠን፡ ወጠንዩት ወሸባብ ዕላቀት ትርድት ወፍቲ ዶል ተህሌ፡ ወጠን ኣክል ሕድ ደማን ትረክብ።

ምን እሊ ለእንፍህመ ምን ተህሌ እት ወቅት ሰኔት ወእኪት፡ ወእት ወቅት ተዕሊም ወዐቂብ ሲዶደት እት ፍንጌ ሸባብ ወወጠን ዐቢ ምስጢር ወፍቲ ክም ሀለ ለሐልፈ ታሪክን ልሸህድ። እንዲ ኦትሌን ወጠን ወወጠንዩት ወፍቲ ሹባን እግል ወጠን ሚ ክም መሰል እግል ንርኤ ተ።

ፍቲ ደውለት ትርድት

ምን ክለ ፍቲ ወጠባዬዕ ሻብ እግል ወጠን፡ እሰልፍ ለትመጽእ ትርድት ፍቲ ደውለት ተ። ክሉ ኣዳም ለትወለደ ወለዐበ እተ ኣካን በህለት ወጠን እብ ኣደብ፡ ፍቲ ወእሕትራም ለዓቡዩ ምጅተመዕ ለኢፈቲ ነፈር የሀሌ። ከእብሊ፡ ክሉ ኣዳም ደወለቱ ወሽዑት እግል ልፍቲ ጠቢዒ ተ። እሊ ላኪን ተርጀመት ወጠን ወወጠንዩት እግል ለኣምር ህሌት እሉ። ፍቲ ደውለት ኣው ወጠን ሌጠ ላኪን ካፊ ኢኮን፡ ሰበቡ ለፍቲ እብ ፈሀም ወመሰኡልየት ወእብ ሽዑር እግል ትግበእ ምን ድሩሪቱ። ሸባብ መሰኡልየት ለትኣረፊዕ ገበይ እግል ልጽበጦ ስም። መሰለን ወጠኑ ለፈቲ ወህኩይ ገብኦ ምን ገብኤ፡ ክልኤ እት ሕድ ለኢበይኦ ጋራት ተን።

ሸዑብ ኤረትርዩ እት ወቅት ንዓል ለለኦትዐጅብ ታሪክ እግል ልሸቄ ለቀድረ ተርጀመት ወጠን ወወጠንዩት ምን ኣመረ ወእት

ፍዕል ምን ኣውዐለ ሌጣ ተ። ወእት ወቅት ሕርየትመ ሕርየቱ ለኣድመን እብ ፍቲ ደውለቱ ምን ሽዑር ወጠንዩት ምን ኢፊማቲ። ወሽዑብ ወሰውረቱ እብ ወጠንዶይ ሽዑር ምን ሸቀ ዲብ ክሉ መጃል ዐውቲታት እንዴ ሰጅል ልትረኤ። መባጼሕ ሽዑብ ወደውለት ቀደም ለዋሉ ሸባብ ሰበት ረክባ ተ። እሊ ትሩድ ኣሳስ ለቡ ወጠንዶይ ሽዑር ለመልክ ሻብ ምን ጂል ዲብ ጂል እት ለኣወርስ እግል ለኣተላሌ ቡ። ምሮ ወጠንዶይ ሻብ እት ዓይለቲ። ግዋሬሁ ወድዋራቱ ኩሉ እብ ወጠንዶይ ሽዑር ለልትሐረክ ወመሰል ለገብኦ ፋህም ሻብቱ።

ዕልም ለፈቲ ሻብ

ምን ኣጅል ነፍሰን ወለ እንፈትዩ ሽዑብ ወወጠን እብ ዕልም ወምህነት ምን ወቅት እት ወቅት ነፍሰን እት ነኣጠውር፡ ላሊ ወኣምዕል እግል ንክደም ወለ ሳደፊን መሻክል ምን ገበይን እንዴ ኢለኣበዋረን እብ ንዮት፡ በሰር ወኢመትሐላል እግል ንባልሑ ብነ። ሰበቡ ዕልም ቅድረትክ እንዴ ጠወርክ ሽቅልክ እብ ዋጅብ ወኣጊድ ወምን ለዐል ክሉ እብ ፍሬ ለተህይብ ገበይ ክም ተኣተምሙ ወዴክ። ሰበት እሊ እብ ኖሰክ ዕልም ወምህነት እግል ትርክብ ለትወድዩ ካድም ምለዐል ለገኦት ኣጀት ተረቲ ዐባይተ።

ሸባብ፡ ሕልሙ እብ ወቀይ እት ዛህር እግል ልበድል ለልትጸገም፡ ወእት ግምሽ ወቅቱ ለኢለኣበዴ ዶል ገብኤ፡ ክመ ቀዳምዶም ሐው፡ ኣበዉ ወኣብዕቦታቱ እብ ካድም ሰኔ ታሪክ ዐማር እግል ልሸቄ ቀድር። ኣሳስ ትሩድ ፍቲ ወጠን ወወጠንዩት እት ሀለዮት መባጼሕ ሕበር ለኣተንክብ። ክም ገቢል ህዬ ናይን መባጼሕ፡ እብ መሳዋት ልትደቀብ። ኦሮ ወጠንዶይ ሻብ ህዬ እምበል ህኮት፡ እብ መሳዋት ሽዑብ እግል ልክደም ቡ። ሰበቡ እት ናይ ሕበር መባጼሕ እግል ትብጸሕ ወገበይ ኣስክ ተጠውር እግል ትንሰእ ወጅብ።

ወጠንዩት እት ኣተራድ ውሕደት ገቢል

ወሕደት ገቢል ምህም ወዴጸት እግል ወጠን ወምጅተመዕ ተ። እት ገበይ ዐቡት ለትዋሌናመ ህታተ። ሰበት እሊ ኦሮት ሻብ ውሕደት ገቢል ቀደም ክሉ እግል ለሀብ ቡ፡ ሰበቡ ውሕደት ሐቆ ይህሌት ተጠውር የሀለ ወክም ሽዑብ ወመዋዋኒን ሀለዮት እግል ልትኣከድ ገብኦ ምን ገብኦ ውሕደትን እግል ነኣተርድ ለኣስትህል። ክመ እት ወቅት ንዓል ለዐለ ኢመትሐላል፡ ኤረትርዩን ሸባን



እት ዐውቲ ለኣብጸሐ ፍክርያት ቅድረት ወምህነት እት ነኣይሽን እግል ለኣልፎ እብ ንዮት ወቀልብ ናሴሕ እግል ልክደም ስም። ሰበቡ ወጠንዶይ ሻብ ምለዐል ክሉ ናይ ሕበር መባጼሕ ሰበት ፈቲ። ምን እሊ ለእንደርሰ ምን ተህሌ ወጠንዶይ ሻብ ቅድረቱ ወቅድረት መሻቂቱ እግል ትተረድ ወተጠወር ለሸቄ፤ ፍሬ መሳኒቱ ለለሐምድ ወለ ፈቲ ወምን ቅብብ ወኣትናኣሽ ለፊመ እግል ልግበእ ቡ። ሰበቡ ሕድ ሐሽዋት ሌጣቱ ምስል እት ገበይ ተጠውር እግል ልንሰኣነ ለቀደር። ብዕዳም ለኢለሐሽም ሕሽመት ኢረክብ ክመ ልትበህል፡ ሸባብን እብ መጅብ እሊ፡ ሕሽመት ጸሩ ምልዐል ርሑ ለልርኤ ዶል ገብኦ ተ።

ወጠንዩት ለመልክ ሻብ እብ ሸቅል ልግበእ ወፍክርያት እት ነፍሱ እግል ልትንክብ ቡ። ሰበቡ እግልክ ለገብኦ ምንክ ወለዐል ለለኣምሩ ኣለቡ፡ እት ክምሰልሁመ ቅድረትኩ ሰዋልፍኩ ዓዳትኩ ገበይ ሐያትክ ለትመሬሕ እቦም ኣግቡይ ሰበት ቶም፡ ዐቂቦም ሰኔ ተ።

ወጠንዶይ ሻብ፡ ወጠን፡ ሸቅል፡ ውሕደት፡ መትሰባል፡ ከሃላት፡ ወዕልም ለፍቲ፡ መሳዋት ለስቅራቲ፡ እት ውሕደት ሽዑቡ ለሸቄ፡ ወፊትዶይ ገቢሉ ተ። ሐሽዋት ኣዳም ወደማነት ነፍሰክ መታሊትክ እግል ልግበእ ምን ድሩሪ ተ። እለ ገኦት ምን ገብኦቱ ህዬ፡ ዋጅብ ወጠን ኣግዴኮ ለትብል። ወጠንዩት ህዬ ምስል ሽዑብ ኤረትርዩ ክልቅት ተ።

ነዓፈት ድዋርን ተኣምርተ ፈዛዕትናተ

ዐድነ ኤረትርዩ እብ መካሪት ምድረ፡ ጀዋ ወነዓፈተ ሐቲ ምን እግል ሲዶሐት ለትሐረየ ወለትፈተ ድወል ተ። እግል ሲዶሐት ወዝያረት ምን ብዝሓት ድወል ለመጸኦ ሲዶሕዩን ሐዳም ኢኮኒ። እሉም ሲዶሕዩን እሉም ለዲብ ኤረትርዩ ሀለ ታሪካይ ኣሳር፡ ኣማክን ሲዶሐት፡ ግርመት ጠቢዐት፡ ወታሪክ ክም ሀለ ሰበት ኣመረው ቱ ለምንለ ትፈናተ ድወል እግል ሲዶሐት ተንክሮ ለህለው።

ወጠን ወወጠንዩት

ሽቃለ ሕኩመት ወዓመተን ክሉ መዋዋን እግል ልትሐሰር እቡ ሀለ እሉ። እብ ነዓፈት ድዋር ተህምምን ምን ገብኤ፡ ክስሑ ድዋር ሰበት ኢሳድፍ ዑፋይ ምጅተመዕ ለትመልክ ወጠን ዲብ ክም እነብር፡ ዓፍዮትን ታመት ወሰሊመት ትገብእ። መትሐሳር ሸባብ ዲብ ክል ኣሸቃል ወጠን ምን ለኣትሐዘነ ምህም ጋር ተ። ሰበቡ ሸባብን ለጸር ኩሉ ዲብ መሸንገሎም ሰበት ገኦ፡ ዲብ ገሌ ኣካናት ኢመትሐሳርመ ልትረኤ። እሊ ላኪን ምስል ነባሪ፡ ቅዩም ምጅተመዕነ ወምስል ወጠንዶይ ቃኑን ዐድነ ለገይሰ ኢኮኒ። ለበዝሐ ገቢልን እብ መትሐሳር ሰበት ከድም፡ ሸባብናመ ምን ቀበት እሊ ገቢል ውሉዳም ሰበት ቶም፡ እብ መትሐሳር ወመሰኡልየት ልክደም። ለኣግደ ነዓፈት ለተኣትሐዝዩ ኣማክን ሀለ፡ እግል መሰል ኣዋራፍ በሐር፡ ኣሳር ለልረኩብ ዲብ ኣካናት፡ ፈናድቅ፡ መሳኒዕ፡ ጅዛይር፡ ሲነማት፡ ቀበት ምዱን፡ ዐባዩ መጣዕም፡ ኣካናት ማይ ሲቶ፡ መዳርሲ፡ ወለመሰሉ ለኣግደ ኣካናቱ። ሲዶሕዩንመ እሊ ኣማክን እሊ እግል ልርኣው ሌጣ ቶም ለዲብ ክል ደውለ እብ ሲዶሐት ለልትሐረት። ሰበት እሊ ዶር ሸባን ዲብ ነዓፈት ሐቆመ ዐቢ። እግል መጃል ሲዶሐትመ ለዐበ በክት ልትከሰት ክም ሀል እግል ልትረሰዖ ለኣለብን ምህመት ንቅጠት ተ።


ኣምር ወፈዛዕት ሽዑብን ዲብ ነዓፈት ዶል እንረኤ ምን ቅዶስ ወለዐል ለልትሐመድ ተ። እግል እለ ሐቂቀት እለ ለተኣክድ እግልን ኣማን ህዬ፡ ለእብ ተማሙ ምን ዐድነ ኤረትርዩ ሳርት ለሀለ ሕመማት እብ ነዓፈት ምን ኢገብኤ፡ በሰር ብዕድ ኢኮን። ለእምር ሰቅራት ሸባንን ህዬ፡ “በደል እንዴ ሐመምክ መትሰራይ፡ ምን ቀዳምክ መትነጃይ” ለልብል ሀደፍነ ኣብጸሐተኑ። ኣዘመ ሸባብ ዲብ ነዓፈት ዶር ዐቢ እት ለኣገዱ፡ እት መጃል ሲዶሐት ምኖም ለልትጠለብ እግል ለኣውፋ፡ ወኖሶም ክፋል ናይለ ሲዶሐት እንዴ ገብኣው እት ዐቦት ሲዶሐት ዶርም እብ ነዓፈት ድዋራቶም እግል ለኣውፋ፡ ክፋል ምን ወቀዮም ወካድሞም ልትሐሰብ።

እግል ነኣምሩ ለወጅብ

- ልብ ወድ ኣዳም ዲብ ሐቲ ደቂቀት 72 ዶል ለሀንድግ።
- ሰነት ኣዳም ለባጽሕ ነፈር ምን 5 ኣስክ 6 ሊትር ደም ቡ።
- ኣጀኒት ነኣይሽ ቅዶስ 350 በኣዊ ስም፡ ዐባዩ ኣንፋር ህዬ 206 ብኡይ ዓጭሞታት ስም።
- ልብ ሐረውዩ ዲብ ሐቲ ደቂቀት 25 ኢነት ዘብጥ።
- ልብ ፈረስ ዲብ ሐቲ ደቂቀት 37 ዶል ዘብጥ።
- ልብ ድርፍን (ወድ ኣባግዕ) 75 ዶል ዘብጥ።
- ልብ ክልብመ ዲብ ሐቲ ደቂቀት 100 ዶል ለሀንድግ።
- ልብ መንተሌ ዲብ ሐቲ ደቂቀት 150 ዶል ዘብጥ።
- ልብ ዐንጻይ ዲብ ሐቲ ደቂቀት 255 ኢነት ዘብጥ።

ዴማት፡ ክታብ ዕሉም

ተመህ ቀደር



መስር ምን ቅብለተ አስክ ግብለተ ዐቢ ነሻዋ ትረክ ዲበ። ለጅኑድ እት ኩሉ ለአካናት ልትጀመያ ዐለው። ወለ መራክብ ምን ቅብለት ወግብለት እብ መሓዝ ኒል አስክለ በዐለ ጸዐደ ከሌብ መዲነት መነፍ፣ ጃሽ፣ ሰላሕ፣ ነብረ ወጥዋር ጎርተ ዐለየ። ለመዲነት ምክራይ እግር ተሐገለ ዲበ። ወእበ ከርክለሐለ ሰልሐም ለክቡድ ወለ አናሺዶም ዲብ አድሕድ ጨጭ አንዘጨጭ ትቤ። ለሐርብ አፍያት ክም አተ፣ ወውላድ መስር ጀላብ ሰላመት ዐደም ብጉሳም ክም ህለው ረደም ውቅሩብ ክሉ አመረ።

እተ ወቅት ለመዳሊት ገብእ እቱ ዐሉ፣ አሚር አብዎር ገሌ መሳእል ለሐርብ ከሰሰ እሉ እግል ልሕለል አስክለ አቅሊሙ አቅበሎ። ደደፍ ከበርለ ሰፈሩ ለልቡ እብ’ለ እብ ዋጅቡ ሹቁል እት እንቱ ወሰፊላል ጋብአት እቱ ዲብ እንተ ሰምዐዩ። ከርሑ እት ልትሰእል፦ እሊ ልወቅ አሚር ክመ እተ እሙርለ ሲያሰት ለትወወተዩ ዲብለ ሐያቱ ለነሰትመ ተዐወተ ገብእ? አዜ አስክለ አቅሊሙ እተ አቅበለ እቱ ወቅት፣ ሰኒ ፋሬሕ እት እንቱ። እብ’ለ ዐለኖትለ ሐርብ ወእብ’ለ ከበር ሕግዩ እግል ለኦብጽሕ ቱ ገብእ? ፍንጌሁ ወፍንጌለ ክብርት በዐለ ጀላል አሚረት ሚ ገብእ ጀረ? እሊ ቀመጅል ጅኔነት ፈርዑን ምነ ተዋልል ወሊሐሽነሽነቱ ሚ ገብእ ደለ? እለ ክብርት አሚረት ለክብረ ቀደም እሊ ተዋልል እሊ ትናዘለት ምኑ ገብእ? ለአፋታይ ለክም ሐዘ ለአምር ወልንሄ ዐሉ፣ አዜ ህዩ እት ገጽ ሻማት ክም ገብአ ዘያታት ሻም ወፈተ እት ልትሃጌ ገብእ ትሳመዐ?

ሰብር ለሀበነ ግድም ማፈጅር ቅሩብ አስክ ሐርብ እግል ልትብገስቱ። ፈርሀት ምን ሞት እት ልቡ ሐቀ እለ አካን አለበ። ላመ ርሑ ደለ ብቀት ብእተ ትትሸነህ። ወደለ ትሰደደት ወለትኪለመት ሌጠ ትፈቱ። ያፊት ርሑ ፍዘ ዐዱ ወዐውል ነስር እንዴ ወደዩ፣ ከእግል ዐዱ ዐውቲ ወአድረረ። ወክም ጅንዲ ዋጅቡ እንዴ አትመመ ምን እለ ዐዛብለ ልቡ ምን ለዓርፍ። ምናተ ናይ ደንገባመ ትግበእ። ሐቱ ዶል እንዴ ኢልርእየ አዜ እብ ከአፎ እግል ልትሳ’ረሕ ቱ? እሊ ሻማቱ ትልህዩ ወደአል ቱ ለዐለ? ልቡ እብ ሰፈላለ ነድድ ሀለ። ወእግል ሐቱመ ዶል ለባርሀ ገዴታዩ ምን ልርኤ ሐቀሁ ሰመሶ ልግበእ ሚረአይ አውመ ጠምጠም ኩላ ለእዲነ ወኢትሸነህ። ከጠምጠም እዲነ ወለዘታመ መእተ ኖራይለ ገዴተተ ወደለዩ ወአዳወረዩ? ላዘም እግል ልርእየ ወለአትሀጋዋዩ ህሌት እሉ። እለ ሸንሀት እለ እግል ሕያዩ የምክን ዐውላ ቃሊ ገብእ። ምናተ እግለ አስክ ሞት ውኩል ለህለ ላተ ሰኒ ቀሊለት ተ ..

እሊ ሚርሓይ መንደላይ። እለ ትምኔቱ ለእ’በ ረክ’በ ቀው። አምዴላትለ እስትዕዳድ አሰር-ሕድ ሻፍጋት እት እንተን ሐልፈዩ። ወለአምዕል ለፈጅሪተ ለጃሽ ልትብገስ እተ ጠበሽ ትቤ። አልሀት ሰ’ድቱ እግል ተአርሄ እሉ ወለትትዐሬ ለኢትመሰል ሸንሀቱ እግል ተሐቅቅ እሉ ገብእ ሐዘነ። ለአሚረት አመተ እንዴ አለቡ ሐሀ እግል ትጋኔሕ መጽት። ለአሚር መሳክብለ ጅኑድ እግል ልራቅብ ጋይሰ ዐለ። ረኢሰለ ሐረሰ ከበርለ ምጽአት አሚረት ሰበት ሰምዐ። እግል ከብቴህ እንዴ ትዳለ ልታኪ ዐለ። ለአሚረት እት ቀበትለ ሮሻን ብዙሕ ኢጸንሐት። እብ ግርመተ ወእብ ኖሰ

ሸንን እት ትብል እተ ዶለ ፈገረት። ርኢሰለ ዐማ’ለ ቀሰር እግል ልሳርሐ ምስለ ፈግረ። ለመንደላይ እብ ሐጠር ትክበተዩ። እሊ ሐጠር እሊ እት ቅብላተ ሐቱ አምዕል እተ ግንራራብለ ኒል ምን ኢገብእ በታተን እርኡዩ ኢኮን። ሰላም ዐስከሪ ወደ እለ። ርኢሰለ ዐማ’ለ ሮሻን እተ አፊት ክም ተርፈ ምኖም። እብ በይኑ እበ መጦረ ሄረረ። ክልኤ ከዋውት ለትገብእ መሳፈት ም’ረሐራዩ ታርፍ ሰበት ዐሉ። ጀላ’ለ ግርመተ ወለግሩም መማኒተ ገርብ ወለሰኔት ብዋረተ ወለአልባብ ገሌ መካሪትለ እገረ እግል ልዕፌ በክት ረክበ። ለልቡ ሰኒ ወአማን እብ ሻማት ወረሕመት ትቀሉ። ከልቡ እንዴ ፈርሽ እለ ለእጌራተ ማሪታት እሉ እግል ልኪይደ ወምን ቅሩብ ክርንለ አጭፋረን እግል ልስመሶ ወተማታምለ አጫብዐን ወለትንፈሳዩ እግል ለአተንሴ ትሸነህ። ዐጃይብ ቱ! ለባበትለ ጠቢዐት ገሌ እግል ደአል ወለውቀት ለገብእ ጋር ኢተሐግል። ረአወ እግል እሊ ፋርስ ቅብላት ለገበአት ሐለት ወቅውት ዐውቲ እግል ልትሰርጌ ገበይ ትንሑ እሉ ህሌት። ወእት ቅብላት እሊ ህዩ እት ቀደም እሊ ደዳፋይ ወለለአትዐጀብ ማሪ መማኒት ረአሱ ክም ለአደንን ትወድዩ ህሌት!

እብ ሰባተት መጦር አሕድ ገይሶ ዐለው - ለገበይ እበ ክልኦት እንክረ እብ ዕንባታት ወራሓን ወተማሲል ወመሰላት ሰሩጊት ዐለት - ለናይ ዓይለት ፈርዑን ላተ መርኩብ ምን ረዩም ምነ መሳዋብለ ጅኔነት እበ እንክርለ ረአሰ ረዩሞም ለህሌት እት ትመስል ትትረኡዩም ዐለት። ለመንደላይ ወለ እብ ሐቱመ ዘዐት ትግበእ እንዴ ኢትትፋዩዩ እግል ኢትሕደጉ ሰበት ፈርሀ ሰኒ ትረበሽ ወአሎብጠ። ሐቱመ ዘዐቲት ትግበእ እግል ሊበል ፈተ። ምናተ ለአፋሁ ትለገመ። ላመ አዚመ እግል ልትሃጌ ኢሰጀዐዩ። ላኪን ለመሳፈት እት ተሐጭር ወለመርኩብ እት ቀርብ ዶል ረአዩ፣ ፈርሀ ወሰኒ ሰበት ትጻዩገ ወአሎብጠ ለአፋሁ ትፈተሐ ከእብ ክርን ተሀንቀዋግዋ ክም እለ ቤለ፦

- በዐለ ውቅልት ሕሽመት፣ ቀደምለ ናይ ፈጅር ሰፈርኹ የም እኪ ምን ረኤኩ፣ ለለውቀትዬ ቅያሰ ሰእንኮ እሉ።

ለሀግያሁ ጽብርተ ለኢዐለት መስለት። ወእትፍኩረ ዲብ እንቱ ግንሐት ትርድት እንዴ ገንሐቱ ክም እለ ትቤ፦

- እንተ ሚርሓይ፣ እለ ሺመት ለእለ ህዩብ ህሌክ ቀሊለት ክም ኢኮን ቃዊ ይህሌክ .. ከእብ ሙስተቅበልክ ወእብ ሕሽመትክ ትተልሄ ምን እርኤክ! ህቱመ እት ልትሃወን ክም እለ ቤለ፦

- በዐለ ውቅልት ሕሽመት፣ ሙስተቅበል ወሕሽመት ትብይ? እሎም ሞት ተሐት ለተአደንኖም ጋራት ቶም። ህተ እብ ቅብብ ክም እለ ትቤ፦

- አቡዬ ሚርሐትለ ዴሹ እት እዴ ዐውቲ ወነስር ለለአትቃምት እንዴ ኢገብእ። እት እዴ አሮት ሞት ለለአትዋይን ከረዩ! ለገጹ ደም ደ’ረ ወእብ ሐጠር ክም እለ ቤለ፦

በዐለ ውቅልት ሕሽመት፣ አነ ዋጅብዬ ሽሙይ አም’ሩ። ወክም አሮት ሚርሓይ መስሪ አልሀት አማነት መንባሁ እግል ልትከበት ለሐፊቱ፣ እብ ዋጅብዬ እቅንጽ ወዐውል እሊ ዋጅብ እሊ ርሕዬመ ምን ትገብእ። ሐራም እትዬተ እግል ይእዋመዐ ምኑ። ፈወቂህ እንዴ ክክክት ክም እለ ትቤ፦

- እናስ ፋርስ ላቱ፣ ሓልፈቱ ኢልትረሰዕ ወአስክ ትንፋሱ ሀለ። ገለብ ዓዳቱ ወለመዱ ሌግ ቱ። ለዶል ለሀ ኣክሩ ባጼሕ ሰበት ዐለ ክም እለ ቤለ፦

- በዐለ ውቅልት ሕሽመት፣ እለ አማንተ። ምናተ እሊ ዓዳት ወለለመድ እሊ ንሳልዩ እንዴ ገርብ ከእብ ክሰብለ እት ልብዬ ትትከዔ ለህሌት እሳት እግል ይአስእል አፋዬ ሐቀ ለግመ። እለ እዲናዬ ሚተ ተርጀመተ? አነ ፈጅር እግል እትብገስ ቱ። ቀደም እለ ተብጊሰትዬ እግል እርኤኪ ዲብ አልሀት ተምኔኮ ወትደዔት። ወእለ ረሕመት ለአልሀት ረሕመተ ዲብዬ እብ ፈርሀት ወአዚም እግል እንከረ ኢሐዘነ።

- ከሰኔት አዚም ላተ ምን ትአ’ምረ ወሐሰት እትከ!

- ቀደምህ ሐቱ ዘዐት እግል ኢበል ሐዘ።

- ሚ እግል ቲበል ተሐዘ ህሌክ?

ለገጹ ግሩም፣ መግሀፍ እት ልትረኤ ዲቡ፣ ክም እለ ቤለ፦

- መንባይትዬ፣ አነ እፈቱኪ። እት ሰልፍ ርእየትዬ ፈቱኮኪ። እለ ረሂበት አማን እሉ፣ እ’በ ሐለተ ለአለብዬ ቅወተ ምን ኢተአተረኒ። እሊ መስል ጋር እቡ ምስለ ውቅልት ሕሽመትኪ እግል ህደግ፣ በታተን እት ርሕዬ ዐደድ እሊ ሐጠር ሰኢ ይዐልኮ .. በዐለ ውቅልት ሕሽመት። እት ተዐ’ፊኒተ። ኢትጽብጢ ዲብዬ።

- እላተ ለሐቱ ዘዐት ትብል ዐልክ? እላዲ ምን ኢትብ’ለ ወሐሰተኩ። እለ ዘዐት እሉ፣ ቀደም እላመ ሐቱ አምዕል እተ ግንራራብለ ኒል። እብ ቀሰብ ሳምዐተ ዐልኩ። ብዕድ ወሐዲሰ ጋር ብክ መስለኒ ዐለ።

ለፊቃዶ ሰራብዬ። ወለ “ግንራራብ ኒል” ትብል ህግያላመ ሰበት ተምተመቱ ክም እለ ወሰኩ፦

- እለ ዘዐት እለ አስክ ዲብ እዲነ ህሌኩ፣ ወለሐቱመ ደቂቀት ትግበእ ይአዘም ምኑ። እለ ዘዐት እለ ምን ኩለን ምን አፋዬ ለፈግረዩ ዝያታት ዝያድ ኩለን እፈትዩ። ወእዘንዩመ ምን እለ ትዋዕም ዘዐት ሳሚዕ ኢኮን። እተ መሳዋብለ ሮኻም ባክለ መርኩብ ሰበት በጽሐው፣ ሰኒ ፈርሀ ወእት ልትረጀየ ክም እለ ቤለ፦

- ገሌ ናይ ሰርሐ ዘዐት ህዩ፣ እለ ትብሊ አለብኪ? እንዴ ትወለበት እቱ ክም እለ ትቤ፦

- እንተ ሚርሓይ፣ አልሀት ሕፍዝ ወሰላመት ተሀበ’ኩ። እት እዴክ ወእት ሐን ሚርሐትኩ ወጠ’ነ ዐውቲ ወነስር እግል ትደ’ረር። ዲብ በታሕ እግል እትደዔቱ .. ሐቀ እለ ምስል ጀላለ ወሕሽመተ እበ ሰላልም አስክለ መርኩብ ትከፊት።

ደደፍ እበ ክልኤ ዕንቴታቱ እሰፋት እተ አካነቱ ክሌሕ እት ልብል ሐድገቱ። ልቡ እት ለሀንድግ እግለ መርኩብ ለእብ ሸህ-ሸህህ ትረይም ምኑ ዐለት ለአትቃምት ዐለ .. ለአሚረት እተ ምግሳዩ በደል ተአቱ፣ እት ረኢሰለ መርኩብ እብ ብግረ ትብዋር ዐለት። ወአስክ ለመርኩብ እተ ረኢሰለ ማይ እንዴ አፊመት ትትሐብዕ ምኑ። እተ አካነቱ ሰሙር እት እንቱ ለአተቃብለ ዐለ .. ክም አፊመት ወተሐበዐት ምኑ። እት ለአሎብዋ ወሰኒ ቅ’ዱብ እት እንቱ። እብ ምልሃሁ እት ገያይሰ ወእገሩ ክቡድ ምኑ እት እንቱ። አስክለ አካነቱ ዐቅበለ። ምናተ ምነ አደቡ ለሰኒ፣ ህቱ አከይ ተዋልል ሳድፊዩ ምን ገብእ ሻፍግ እት እንቱ ለአቀብል ነብረ። ከትቀጸባመ ወሐርቀ ምን ገብእ። ምን አከይ ተሰ’ሩፍ ወመትከራይ እት ከለዋ ልድሕን ዐለ። አዲግ ርሑ እት ምልኩ ክም ትገብእ ልትጸገም። ወለመሳእል እብ ለባበት ክም ልትሓዘዩን ወዴ ዐለ። ናፈ ሐሁ ሰብር ወለባበት መሀረዩ፣ ወነፍሱ ከፎ ክም ራጅዐ ወእብ ልጃም ሐቅ ወዐዳለት ክም ጽብጠ ዐለምዩ። ከለአሚረት ዲብለ ኢረሕመተ ወለአዚመ ብዙሕ ኢጽብጠ ዲቤ።

ከእዝን ምን ኢተሀይቡ ወልበ ምን ኢትከሬ እሉ። እሊ ኢትፈትዩ በህለት ክም ኢኮን ወእግል ትፍተዩመ መጅቡረት ክም ኢኮን ወእሊ ፈሸለመ መስኡልየተ ክም ይዐሉ። እለ ምን ገብእ እብ ምልሃሁ እግል ልትሓዘዩ ወእግል ልርሐም ዲበ ክም ወጅቡ፣ እግል ርሑ አፍሀመ። እሊ ለህቱ ቤለያቱ እግል ሐቱ አሚረት ወለት ፈርዑን ልትበህል ገብእ? ህተ አዜ ሚ ገብእ ዐገበት? ትም እት ትብል እንዴ ሰምዐቱ ከሳምሐቱ ወሐቱመ ኢጽብጠት እቱ፣ ምን ተሐዘ ህዩ ተማም ወበህደለቱ ወእብ ክጅል ረእሱ ክም ለአደንን ወወዴቱ ዐለት! ለርሑ ኖሱ እግል ልራጅዐ ወለአትዐግበ እግሉ ሌጠ አዝመት ምኑ። ምናተ እተ አከይለ በክቱ ላቱ ይአትሓጠረቱ ወስብነ እክ ኢቱለቱ። ህቱ ህዩ አዜ እብ በይኑ መጢጠት ወሐዘን ወርሲያሁ።

ለምሴት ለሀ ዐዱ እግል ልሳሬሕ ዲብ ቤት ብሻውሮ አምሰ። ወእብ ክለ ሐለቱ ወክ’መ እተ ዓደቱ ልወቅ ወፋርሕ ክም ህለ እግል ለእርኤ ብዙሕ ትጸገመ። ክሎም እብ ሕበር ዲብለ ድራር ተዐገለው። ብሻውሮ ዛዩ ኹኔ ወናፈ ወእሲቱ ማኑ፣ እተ ምግባም ህዩ ለሚርሓይ መንደላይ ትገሰ። ነብረ ዋዕም በልዐው “ወጀዐ” ሰተው። ብሻውሮ ለነብረ እት በልዎ እምበል ዕርፍ ልትሃጌ ዐለ ወምነ አፋሁ ሀጌም ልትናፈር ለዐለ ፈረትት ብዙሕ ባልመ ሃይቡ ይዐለ። ሐርብ ለከሰስ ወክሰተን ህዩ እት ዘመን ንእሹ ለትሓረብዩን ሕሩባት እበን ዳገመ እሎም። ዛዩ ሹቅልት ሰበት ረአዩ እለ

እግል ለአትሓዋር ለሐዘ እት መስል፣ ክም እለ ቤለ፦

- ምናተ መሳይብለ ሐርብ ለበዘሐ ምኑ እት መሸንገለ ጅኑድ ቱ። ሚርሐት ላተ አካን ደሐን እተ እንዴ ትገሰው ከለተዋልል እሉ ለኤትኖ ወኽጠትለ ሐርብ ረሰሞ። ደደፍ ሚ እግል ሊበል ለሐዘ ክም ህለ ኢሰሐተዩ። ክክም እለ ቤለ፦

- አማንኮቱ ይቤ። ምናተ ዲብ ሐርብ ነብ እተ ትፈ’ረርክ እቱ ወቅት፣ እንተ ዛብዋ ንኡሽ ዐልክ መሚርሓይ ዐቢ! ለድግለል ሸንን እት ልብል እተ ምግሳዩ ተማም አትግፍሐ ወክም እለ ቤለ፦

- እተ ወቅት ለሀይ እተ ፍርቀትለ አ’ርምሐት ክም ዛብዋ ንኡሽ እት አነ እትሓረብ ዐልኩ። ምናተ እተ ሐርብ ለሀይ ለረኩብህ ዜነት ሰኔት፣ ሐቱ ምነ ሐር መፈትሽ ዓም ናይ ሀረም ፈርዑን እንዴ ገብአኮ እግል እትሸዩም ለሰደዶኒ ጋራት ቱ። ብሻውሮ ምነ ህዋዩ በጢር አቤ። ደደፍ ህዩ ዶል ሐቱ ለአተንሰዩ ወዶል ሐቱ ህዩ ተውህ ምኑ ዐለ። ወላመ መጸጸቱ ፋቅ’ደ ሰበት ዐለ ለዕንቴታቱ ክም እሰፋት መስለ ዐለየ። ዛዩ ህዩ ሰብብለ ሐዘኑ ለደሌት እት መስል ትም ዋደዮት ወልበ ሹቁል ምነ ዐለ። ላመ ነብረ እዴህ ኢከሬት ዲቤ፣ ክባዩት ጀዐ ሌጠ ሰቱት። ናፈ ለምሴት ለሀ እብ ለውቀት እግል ተአክትም እሉ ሰበት ሐዘ፣ እሲቱ ማና እንዴ ነቅመ፣ መሰንቆ እግል ትዝበዋ እሎም ወለሕላዩት ለግርም “እት ሐርብ ወእት ሻም እት ክልኢተን ተዐውተክ” ለትብል እለ እግል ትሕሌ እሎም ጠልበ ምኑ። ማና ለክርንተ ሰኒ ዋዕም ነብረት። ላመ መሰንቆ ሐቀህ አዳም ወይሐዘነ። ለቁርፊት እበ ክርን ለዋዕም ወእበ ቃናለ መሰንቆህ ለውቀት ወኖር ከድነተ ..

ልብለ መንደላይ እሳት ትቀረሐት ዲቤ። ለሃባተ ላኪን እምበሊሁ አሮትመ ዳሊሁ ይዐለ። ምናተ ናፈ ሓለትለ ሐሁ ዝያድ ክሎም ቃውሀ ሰበት ዐለ። ዲብ ደደፍ እንዴ ቀርብ ከአተ እዝኑ ክም እለ እት ልብል ሐሸክሸክ እሉ፦

- አብሸር ብልኪር ሚርሓይ። ማሌ ዲብ ሻም ተዐወትክ ወፈጅር ዲብለ ሐርብ እግል ትትዐወት ቱ።

ደደፍ ለህዋዩ ሐሁ ሰኒ ሰበት አትፈከረቱ ክም እለ ቤለ፦

- እለ ህግያክ ሚ እት ተሐዘ እበ ቱልካህ? ለሙሰውራይ ተብሰም ቃሸሹት ወአትባዳይ እንዴ ወደ ክም እለ ቤለ፦

- ሱረትለ ሐረሰታይት ለግርም ትረሰቡህ መሰለክ ሀለ? .. አላህ እለን ሐረሰቶትለ ኒል ለግርመተን መን ልትዓደለ ገብእ .. ሐቱህንተ ከአተ ሶታይ ሻኮታትለ ግንራራብለ ኒል ምስል ዛብዋ አሮት ግሩም እግል ትትሃጅክ ወትዳግም ለኢት’ተምኔ አልቡ ዲበን .. ከእሊ ዛብዋ እሊ አዜ ለግሩማይ ደደፍ ቱ ምን ልብለክ ሚ ወትቤ ገብእ! ማሸግ ምኑ ዲብ እንቱ ክም እለ ቤለዩ፦

- ወሽ ናፋማዲ .. እንተ ሐበትመ ኢተአ’ምር። እለ ህዋዩ ናፈ ወለሐልዩት ናይ ማነ ዲብ ስርቤብ ሰበት ካረዩ እግል ልህረብ ትሸነህ። ከእግል ምግያሰ እብ ብግሩ እግል ልግበእ ሐዘ። ምናተ እሙ ፈቅደ። ውልብ ምን ቤለዩ እት ተአትቃምቱ ወዕንተ ምኑ እንዴ ኢትበልሰ ረአዩ። ከምነ ሓለቱ ገሌ እግል ኢተአምር ወእግል ኢትትሻቀል ሰበት ፈርሀ፣ ተብሰም ወደ እሉ፣ ከእግል ልቃሸሽ፣ ክም ፋሬሕ ወልወቅ እንዴ ትመሴሰለ ሸንን እት ልብል አስክ ቀርቤ።

ወብደለ መሐመድወሊ (መዐልም)

(3ይ ወናይ ደንበክ ክፈል)

ለምን ዜሮ እንዴት ትበገሰው እብ ሰብብ እንሰላብ እስትራቴጂ ሕዳድ ሱዳን እንዴት ተወደው ዲብ ሐውልዕ ዕስኩራም ለዐለው ደረሰ መድረሱት ሰውረት፡ ምን ሐውልዕ እንዴት ትበገሰው ጋድሞታት ወስጋይድ ፈልሐት እንዴት ካደረገው ሐቆ ብዙሕ ተዐብ ወጅርሱት ቶም ለመካይን ባጽሐ ለዐለ ረዕሰ ጥሩሩቅ በጸሐ ወምን ዲብ ለጸነሐም ሴፈ ክልክልኤ አው ስልሰለሰ ኪሎ እንዴት ተሆገለው እብ አሰርም እግለ አግሎብ ለበዝሐ ዲብ ደብር ልትርከረው ዐለው፡፡ እሊ እግል ሊደው ላኪን ዲብ ታኪ ወግምጩይ ደብር እንዴት ትሸለተፈው ለወድቆ ወልደመዶ፡ እንዴት ደየረው ግረ ለትርፎ ገበይ እንዴት ትገምጩት ዲብም ክም ጅጊር አርበዕ እገርም ዲብ ልሸሕጎ ልትክረው ወፈግሮ ዐለው፡፡ አንፋር ፈርዕ ብእ እሊ ቴለል ናይለ ደረሰ ምን አርሐመዮም ወአሰፈዮም አሰክለ ገበይ እንዴት ትሸቁት ትበጸሐም ብዕድ በሰር እግል ልባሰሮ ሰተተው፡፡



ጽርግያ ብደሆ

ሁቱ ህይ፡ የምክን ለኢረክ እግል ልእመን ኢቀድር፡ ምን ዲብ ሮራብ ትሩሩቅ በጽሕ ለዐለ መካይን ሐቱ ትራክተር እግል ልክረው እቶም ወእለ ትራክተር እለ ምን ተሐምቅ ምን ሕግሰ ጽርግዩ ባጽሐቱ ለዐለ ሮራብ አሰክ ደረሰ መድረሱት ሰውረት ለዐለው እቱ መዐስከር ሐውልዕ ሴፋሆም እግል ትገርት እሎም ለልብል ዐለ፡ ምናተ ለትራክተር ምን ሮራብ ዲብ ጋድም እብ እሱው ገበይ ትትከሬ፡፡ ክሉ ቀደመ ለዐለ አግሎብ ህይ ከፎ ትሕለፋ፡፡ መኪነት እግለ ለትሸቁት ገበይ ርትዕት ወውጢት እብ ትሄርር ዲኢኮን ክም ሀቡይ እብ አግሎብ ኢትትከሬ፡፡ እብሊ ህይ ትራክተር ምስል ኩሉ ክባደተ እብ ደይን ዲብ ጋድም እግል ትክረየ ለኢልትሐሰብ ምንግ ቲ፡፡ ሰድት ወመራት ለትወልደ ጥዕም ወረህየት ሰበት ህሌት ለፍክረት ትበገሰት፡፡ ሚ ፍክረት ተ ትብሎ ህሌኩም? አይወ እግለ ትራክተር እብ ትሩድ ሓባል ጥምባር ወካዎታት እንዴት ትላደደት ምን ምለዐል ዲብ ሼልበ ወምተሐት ዲብ ተአትራተዐ እብ ኢትትሐለፍ ለትመስል ግልብ ዲብ ጋድም ክርየት ቱ ለዐለ፡፡ ለእብ መትሰባል እሊ ጋር እሊ እግል ለአትምም

ለትበገሰ ሰዋግ ወእብ ሓባል እንዴት ከራብኸው እት ለትራተዖ ወለአትሳሎ ከርወ ለዐለው ሙናድሊን ዮም ትዘክሩ ዲብ ህሌክ እንቲሓርቶም ወዱ ለዐለው፡፡ እግልሚ ትራክተር ትግራት ኢኮን ከዲብ ተትህንጦጥል ትክርየ፡፡ ለፍክረት ዐጂበት ወለወቀይ ምስተንክርቱ ለዐለ፡ ምናተ “ጀርቤ ሰከይ ኢትከልእ” ክመ ልትበህል ጀርቤ ወኢመትሐላል ምናድሊን ዐውቱ ክም ወልድ ሸክ ይዐለ፡፡ ለትራክተር ክምስል ደሎ እብ ሓባል ፍንጌ ምድር ወሰመ ዲብ ተህንጦጥል ምን አሰ ዲብ ለትራተዖ ወምለዐል ለዐለው እብ ሓባል እንዴት ሐጠጠው ተሐት ዲብ ለሄዱደ ንዳል ሞት ወሐዮት ወደው፡፡ ለልትጋደል ልትዐውት ክምስል ልትበህል ህይ ተዐውተው፡፡ ለትራክተር እምበል ገበይ እብ ሓባል ዲብ ተህንጦጥል ምን ደብር ዲብ ጋድም ሄደደው፡፡ እሊ ህይ ምን ሕግሰ ደብር እግለ ምን ርሽመተ ደብር እብ መክተብ አዳም ለልትከሬ ሴፈ ወብዕድ ዐፍሽ አሰክለ ደረሰ ለዐለው እቱ አካን እግል ትገርት አምበተት፡፡ ላኪን

ወቁል አድብር ወራቱ አተላላ፡፡ ለምን አራግ ትትበገሰ ገበይ እሊ ክሉ አድብር እንዴት ሐልፈት ዲብ ጋድሞታት ሱዳን ትክሬት ወበደለ ናይለ እብ ባካት ዒለጸዐደ ተሐልፍ ለዐለት ገበይ እንዴት ገብአት ህይ ሴፈ ሰውረት እብ ልትገረት ለዐለ፡፡ እሊቱ ህይ ፍሬ ኢመትሐላል፡፡ ምናድል ይእትሐለል እንዴት ቤለ እግል ወራራት አበዩ ጋብህ ወእንዴ ኢልትሐለል ዲብ ዐውቱ በጽሐ፡፡ ላኪን ለዲብ ወክድ ሰውረት ለትበካ ወለትሸቁ ጽርግያታት እብሊ ገበይ አይንብርከኽ ኢተመ፡ ግራሁመ ብዕድ ምን እለ ገበይ እለ ወለዐል እብ ናይ ሀንደሰት ምሕርቦት ለለትዐጅብ ጽርግያታት መካይን ትሸቀ፡፡ እብሊ ህይ ምናድሊን ጀብህት ሽዕብየት እንዴት ኢልትሐለሎ ገበይ ኢንትሐለል ክምስል አትመመው አይመ እምበል ሕላሌ ዲብ ብዕድ አድብር ለልትዐሮሬ ወጋድሞታት ለካይድ አግቡይ መካይን እግል ልሸቀው አሰተብደው፡፡ ሐቆ ገበይ አይንምብርከኽ ለተአምበተት ብዕድት ገበይ ህይ ሐርመት ሐሸክብ ወገበይ ብደሆ ተን፡ ገበይ ብደሆ ፍንጌ ዐምበርብ ወሐሊበት ለህለ ደብር እንዴት ተዐርፊት ለተሐልፍ ቲ፡፡ ምናድሊን እለ ገበይ እለ እግል ልሸቀው እቡ ለአሰተብደው ሰቡቱ በዲር ለምን ነቅፈ ትትገበስ ገበይ አግረዕ ወፈልከት እንዴት ደነት እብ ቀበር ወአት ሕሊል ተብሕ ተአቅሎሌ ዐለት፡፡ አባይ እግል ገበይ እለ ዲብ ባካት ዒለጸዐደ ክምስል በትከዩ ምናድሊን ገበይ ኢንትሐለል እንዴት ቀፍረው አባይ ክምስል ኢልትዐውት ወደው፡፡ እብሊ ወዳይ እሊ ለትከደ ጄሽ አባይ አይመ እብ ሕሊል አልኒ እንዴት በይኦ እት ቀብር ወአት ምን ቀድር እብ አገር ጄሽ እግል ልጽበጠ ወምን ኢቀድር ህይ እብ ረጅም መዳፊው ሰዋሪክ ለገበይ እግል ልድብእ ሳትት ዐለ፡፡ እለ ገበይ እለ ዲብ ቀብር ወአት ትብተከት ምንገብእ ህይ ለፍንጌ ቅብለት ሳከል ወነቅፈ ወዝያደት ህይ ፍንጌ ነቅፈ ወሱዳን ለዐለ ከዋ እግል ልትዐጠል ሰበት ቀድር ምን እሊ እንዴት ትበገሰው ምሕርቦት አይመ እምበል ሕላሌ ብዕድት ገበይ እግል ልቅፈሮ ላብድ ዐለ፡፡ እብሊቱ ህይ ገበይ ብደሆ እግል ልሸቀው ለአሰተብደው፡፡ ደቅብ ናይ እለ ገበይ እለ ህይ ዝያደት ክሉ ዲብ መደት ንዳል ለትሸቀ አግቡይቱ ለዐለ፡፡




ምናድል እንዴት ኢልትሐለል እብ ገረዊንት ወበዲለት ምስተንክር ዲብ ሸቁ

ዲብ ገበይ ብደሆ ለሸቅል እብ ሸፋግ ተአምበተ፡ ለእብ እንክር ቅብለት ለህሌት ገበይ ብደሆ ለደብር አግሎብ ወአይይን ለበዝሐ እቱ ቱ፡ ዲብ ሰሩ ለአጸድፍ አሰክ 70 ዲግሪ ለአንቀዕርር፡ እትሊ ወቁል ወታኪ ደብር እሊ ጽርግዩ እግል ትቅፈር ለለትዐጅብቱ፡ እሊ ደብር እሊ ጽርግዩ ኢኮን እብ እገርካመ ተወዝ እግል ቲበል እቱ ሰዱድ ቱ፡ ላኪን ለሰዱድ ቴለል እሊ ደብር እሊ እግል ንቅፈር ቀሰቢን፡፡ ልብል ሙናድል ሀብተልዑል ቀደም ሕርየት እት መጀለት ሐርበኛ እቱ ወደየ መቃብላቱ፡፡ መሀንድሰ ሀብተልዑል ህግያሁ ዲብ ለአተላሊ፡- “ገበይ ብዕድት እግል ትቅፈር ወተሀንድሰ ህይ በክት ይዐለ፡ ለቴለል ሰኒ ግምጩይ ቱ ለዐለ፡ ዲብ ገበይ ብደሆ ምን ቀደመ ለትሸቀ አግቡይ ፍንቲት ለትወድየ ጋሪት ዐለት፡ ህተ ህይ ለቀፍር ወለሸቅል ምስልቱ ለገይሱ፡ ለሸቅል ህይ ክምስል ናይ ጥሩርቅ ሻፍግ ወበክት ለይለህይብ ቱ ለዐለ፡ ምራድ ወመትሰባል ናይለ ከዱሙ ለዐለው ሙናድሊንመ እቱ ክምስልህ፡ ምናተ እት ሸቅል ገበይ ብደሆ ምን ናይ አይንበርከኽ ሕዲን አላት ወደለሚት (T.N.T.) ዐለ፡ እሊ መሐግዝ እሊ እግል አርህዮት ለገብእ ሴመ ይዐለ፡ ምን ሱዳንመ እንዴት ትዛቢክ ለልትቀደር ይዐለ፡ እሊ መሐገዝ እሊ እግል አርተዖት አምንዩም ናይትረይት ለልትበህል መዋድ እብ 5% ጃዝ እንዴት ለክክሁ እበይት አው ምስል ሐድ ጀላናይት እንዴት ሓበርካቱ ሐል ገብእ ለዐለ፡ ብሰር ወጸገም ሙናድሊንመ እት ቀበት ሰነት ወወርሕ እሻረት ስሙድ ሰውረት ኤረትርየ ላተ ገበይ ብደሆ እብ ተትዐጅብ እብ ዐውቱ ተመት፡ ገበይ ብደሆ ክምስል ትሸቁት ወክድመት ክም አምበተት፡፡ እለ እንዴት ኢረክ ለኢልትዐጅብ

ወኢልትፈከር ኢዐለ፡ ‘ መንአመረ እት መደት ንዳል ክም ገበይ ብደሆ ለትበጸሐ ወለትሰወረ ዐለ እግል ልትበህል ኢቀድር፡ ለለትዐጅብ ዲብ ዐለም እብ ክእን ለትሸቀ አግቡይ ይህለ በህለት ኢኮን፡ ምናተ እብ ደረጀት ሰውረት አው ዲብ ግድለ ስለሕ ለህለው ሙናድሊን እብ አክል እሊ ዐቢ ደብር ወድንጉር አላት ሸቅል፡፡ ክእን ለትመስል ግርም ወለትዐጅብ ገበይ እግል ትሸቁ እብ ቀሎ-ቀሎ ለኢልትረኤ ሰበት ቱ፡፡ ገበይ ‘ብደሆ’ ምን ሕግሰ ማይ ጩላይ አሰክ ዐምበርብ ረዕሰ ወቁል ሮራብ ለተፈግር እብ 37 ምልውላይ ዲብ ተአሳልል ሐድ 600 ምትር መትወቃል ትፈግር እት ህሌክ እግለ እብ ዕንቱ ለልርኤ ለይለትዐጅብ ኢኮን፡ እብ ፍንቱይ ለሸኽከት ሐሊበት ለለአደንን እንክር ቅብለት ናይለ ገበይ ዶል ትሸብብ ላታ ምን ቅያሰ ወለዐል ትትፈከር፡፡ ረዕሰ ወቅል ምሽባብ እንዴት ገእክ እግለ ሐንቲክ ለህለ ጋድሞታት ወሐላይል ዶል ተአቀምት አክል ሕድ ክመ ዲብ ዐሳተር ተህንጦጥል ለህሌክ መስል እትከ፡ እብ ገበይ ገጽክ ተሐት ዶል ተአድሮሬ ህይ ለበዲር አብያት ሀቡይ ለዐለ አግሎብ እት ረዕሰክ ወምተሐትክ እት ለህንጦጥል ረዕሰ ቀሐት መካይን እንዴት ጠፍሐክ ትትከሬ አው ትፈግር እት ህሌክ፡፡ ለገበይ አሰክ ትትውሐ ገጽክ እንዴት አሰርክ ተወው ትብል፡ ደሚርክ እት ተውሰ ህይ ‘እብ ሰላምዩ እግል እትክሬቱ ገብእ እት ትብል ትትሸውሸር፡፡ እሊ ህይ እግለ እብሊ ገበይ እለ ለሳፍር ወእብ ዕንቱ ለልርኤ ለይለዐጅብ ኢኮን፡ ገበይ ብደሆ ኢኮን እግል ፈታይ እግል አባይመ ለአትዐጅቦት ተ፡ አሮ ዲብ መሸንገለ ለዐውል ለዐለ ሰዋግ ጥያረት አቶብዩ ለገበይ ምን ዐስተር ክምስል አቅመተየ እት ልትዐጅብ ‘ ምንኮር! ምንኮር! ዮም ህይ ወንበዴ ምድር እንዴት ኢከፈዮም እት ዐስተር እግል ልዕረጎቱ መስለኒ’ እት ልብል መትዐጃቡ ሸርሐ፡ አማንቱ ዲብ መደት ንዳል ብዙሕ አግቡይ ሸቁይ ምንግቱ አሰክ እለ ላተ ገበይ ብደሆ ለለአጀግር ወለለዐሬዲ ክሉ ረዕሱ ይህለ፡ ክል ኤረትሪ ህይ እብሊ ትምሳል ንዳልን ላተ ገበይ ብደሆ እግል ልሸንን ወልትሐበን ቡ፡

ዴግት መጀለት ሐርበኛ ጃንዋሪ 1991



ጅግራታት ርዕደት ቅዋት ድፈዕ ተመ

ዐምበርቡ: ኸግኬ ሳድስ ወክዱ ሻምፕዮን ገብኸ



“ዴሽ ሐበን” ሐንቲላ ልብል ሸዓር፡ እግል 15ይት ኢነቱ እት ከረን እግል ሳምኖታት ለአተላለ ጅግራታት ርዕደት ቅዋት ድፈዕ 2023፡ ለሐልፊት ሰንበት ንኢሽ እብ ነያረት ተመ።

እሊ እግል ክልኦት ወሬሕ እት ፍንጌ 10 ፍረቅ እብ ውላድ ወአዋልድ ለገብኦ ሐምስ ጅንስ ርዕደት በሀለት ኮበራት እግር፡ ሾሊቦል፡ ባስኬትቦል፡ ኦትሌቲክስ ወተንሺን ስለሕ ለክምከመ አጅናስ ርዕደት ቱ።

እቲ ምዕል ካቲመ፡ ምን ውላድ ፈሪቅ ኮበራት እግር ዐንበርቡብ ውብድሆ ተልሀው። እት አወላይ ሾት ዐንበርቡብ እት መራቀቡት ኮበራት ሰኒ ትልህዩ እት ለአርኡ፡ ብድሆመ እት ጃርቦ እምበል ጎል እግል ዕርፍ ፈግረው።

እቲ ካልኦይ ሾት፡ እት ከዋ ህጃም ተቃዩር ለወደ ፈሪቅ ብድሆ፡ እት ምግብ ሜዳን ለዐለ ሐረካት ዐንበርቡብ እት ለሐውጡ ትረኣው። ብድሆ፡ እት ጎል ለነድኣዉ ክወር ሓርስ ዐንበርቡብ እት ለአፍሽሉ ሐድ ኢትጸገመ።

መተልህዩት ዐንበርቡብ እግል እብ ቀሊሉ ለኢሐልፈዉ ከዋ መዳፍቦት ብድሆ፡ መሃጅም መድሃኔ ሰዩም እብ ረኣሱ ለጀረበዩ ውሓርስ ብድሆ ክብርም ሰለሙን እንዴ ትወርወረ ለአድሐነዩ ምን ከጠር ጀርባታት ዐለት። ለጀርባ፡ ምን ሐሰዩ ለነግፈ ክወርመ ትበሀለት።

ክልኢቶም ፍረቅ ጎል ሰበት ኢኣተው ወሐለቶም ሕድ ሰበት ክርዐት፡ እት ሪንጌ ተዐደው። መተልህዩት ብድሆ ሓዝያሙ ለዐለው ደርባት ጀዘ፡ 3-1 ተዐወተው ዲቡ። “ኮብራ” እበ ትብል ክናየት ለልትኣመር ሓርስ ብድሆ ክብርም ሰለሙን፡ እበ አርኣዩ ሕራሰት ትርድት፡ መትፈርጀቱ ለረይሐ ሓርስ ትበሀለ ከጃእዘት ነሰኣ።

ሰንበት ዐባይመ፡ ምን ፍረቅ አዋልድ ሳዋ ወዐንበርቡብ ጅግረ ነሃየት ዋድያት ዐለዩ። ሳዋ ህዩ እት ካልኦይት ደቂቀት ዐንበርቡብ ሰኒ እንዴ ኢፈዝዐ፡ ጎል ሰበት

ኣተዩ ዲበን፡ ምን ጽባብሐን ሚርሒት ተኣልበዩ። አዋልድ ዐንበርቡብ ለጎል እግል ለዓድለ ሐድ ኢጀረበዩ - ሳኪን ትልህዩ 1-0 ዕርፍ ፈግረት።

እት እንቡተት ካልኦይ ሾት መሃጅማይት ፈሪቅ ዐንበርቡብ ፍቓዱ ገዳሙ ጎል ሰበት ኣቲት፡ ትልህዩ ተዓደለት። ፍቓዱ ኣዜመ እት 69 ደቂቀት 2ይ ጎል ደግመት። ለትልህዩ ህዩ 2-1 እብ ዐውቴ ዐምበርቡብ ተመት።

እብሊ ህዩ፡ እብ ኮበራት እግር አዋልድ ዐምበርቡብ ሻምፕዮን እት ገብኦ፡ አዋልድ ፍረቅ ሳዋ ውሓሬና ካልኦይ ወሳልሳይ ፈግረዩ። ዐምበርቡብ እብ ውላድ ሻምፕዮን እግል ኢልግብኦ ለአፍሽለ ፈሪቅ ብድሆ፡ እብ ውላድ ሻምፕዮን እት ገብኦ ዲበ መናሰበት፡ ዐንበርቡብ ወመኸቱ ደርቡ ትረተበው። እብ አዋልድ ምን ገብኦ ውላድ ህዩ፡ ሰልፋይ ለፈግረ ፈሪቅ 20 አልፍ፡ ካልኦይ 10 አልፍ፡ ወሳልሳይ ሐምስ አልፍ ነቅፈ ተህየበው።

እብ ኩረት ሰለት (ባስኬት)፡ ዐምበርቡብ ብድሆ ውሓሬና እብ አዋልድ፡ በኒፈር፡ ዐምበርቡብ ውሓሬና ህዩ እብ ውላድ ለትዐወተው ፍረቅ ቶም። አወላይ 10 አልፍ፡ ካልኦይ ሐምስ አልፍ ወሳልሳይ ሰለስ አልፍ ነቅፈ ተህየበው።

እት ሾሊቦል፡ ፈሪቅ ሓሬና እብ ክልኢቱ ውላድ ወአዋልድ እንዴ ተዐወተ፡ ዐሰር አልፍ ነቅፈ ነሰኣ። ሰንጥቅ እብ አዋልድ ወሳዋ እብ ውላድ ካልኦይ እንዴ ፈግረው፡ ክል ምኖም ሐምሐምስ አልፍ ነቅፈ፡ ዐምበርቡብ ህዩ፡ እብ ውላድ ወአዋልድ ሳልሳይ እንዴ ፈግረ፡ ሰለስ አልፍ ነቅፈ ተዐወተ።

እት ኦትሌቲክስ እብ ውላድ ወአዋልድ፡ ፈሪቅ በኒፈር እት ነሰኣ፡ ዐስ-ዐሰር አልፍ ነቅፈ (እብ ክልኢቱ ጅንስ) ነሰኣ። ሓሬና እብ አዋልድ ወመኸቱ እብ ውላድ ካልኦይ ተርቲብ እንዴ ረክበው ሐምሐምስ አልፍ ነቅፈ ተህየበው። መኸቱ እብ አዋልድ ወዐምበርቡብ እብ ውላድ ሳልሳይ እንዴ ፈግረው፡ ሰለስ አልፍ ነቅፈ ረክበው።

እት ለክፍ ሰለሕ (ተንሺን) ህዩ፡

ብድሆ፡ ክንፊ ወሰንጥቅ - እብ አዋልድ፡ ዐምበርቡብ ሳዋ ወሰንጥቅ እብ ውላድ ተዐወተው። እበ ተርቲብን ህዩ 10 አልፍ፡ ሰቦ አልፍ ወሐምስ አልፍ ነቅፈ ተህየበው። ዕዉት ፍረቅ እምበል ሰላዲመ ናይ ደሀብ ወርቅ ወኣሰራዚ መዳልያት ወካሳት ትሰርገ።

እብ ብሕቶት ለሐሰት መተልህዩይት ኩረት ሰለት ሃና ገብራመስቀል ምን ዐምበርቡብ እት ትትዐወት፡ ወለት ፈሪቅ ሰምሃር ብርሃኔ እብ 201 ንቅጡት፡ ለሐሰት መሰጅላይት ንቀዋ ገብኦት ወክል ምን ክልኤ አልፍ ነቅፈ ተህየበት። ምጽላል ጸጋይ ምን ሓሬና ለሐሰት መተልህዩይት ሾሊቦል ወምሕረት ዐቅባይ ለሐሰት ሓርስ ጎል እት ኩረት እግር ክል ምን 2,500 ነቅፈ።

ምን ፈሪቅ ዐምበርቡብ ፍቓዱ ገዳሙ፡ ለሐሰት መተልህዩይት ኩረት እግር፡ ፍትሓዊት ተወልዴ ምን ሓሬና ለሐሰት መሰጅላይት ጎል - ክል ምን 2,500 ነቅፈ። አብረሃም መረሳ ምን ሓሬና ለሐሰ መተልህዩይ ኩረት ሰለት፡ ምን ፈሪቅ ሳዋ እትሊ ጅግረ 286 ንቅጡት ለሰጀለ እስራኤል ምሉጌተ ለሐሰ መሰጅላይ እንዴ ትበሀለው፡ ክል ምኖም 2,000 ነቅፈ ተህየበው።

እብ አድብ ወተእዩድ ርዕደት ውጃህ መኸቱ ካስ ዲብ ለሀርሱ ዐምበርቡብ ህዩ እብ ኩሉ መቃዩስ እግል ሳድስ ኢነቱ ሻምፕዮን ናይለ ጅግረ እንዴ ገብኦ፡ ካስ ዐቢ ወ25 አልፍ ነቅፈ ነሰኣ።

ዕዉታም ፍረቅ ወአፍራድ ምን ዓም ሀይኦት አርካን ቅዋት ድፈዕ ጀነራል ፍሊጸስ ወልደዮሃንስ ውበዕዳም መስኢሊን ጀዋእዝም ነሰኣው።

ፕሪመር ሊግ እት 9ይት ሳምንቱ



ቶተንሃም ቅባል ፋልሃም (2-0)

ለድቁብ ፍረቅ እንግሊዝ ፕሪመር ሊግ ለሐልፈ ሰነትብት ትልህያታቱ እብ ለሐሰ ሸዑር ጅግረ እትሉሉይ ዐለ። ሐቲ ሳምን እብ ሰበት ትልህያታት ሀረሚት ፍረቅ አርብ ለዓረፈ ፕሪመር ሊግ፡ እለ ተሌ ፍግረት ሕዩብ ከለኣሴርር ሀለ።

ሰንበት ንኢሽ 21 ኦክቶበር ለተልህ ፍረቅ፡ ሊቨርፑል እግል ኤቨርተን 2-0፡ ምልሽብ እግል ቦርንሚንግተም 2-1፡ ብሬንትፎርድ



ክብርም፡ ምን አድሐነዩን ሪንጌታት



ሻምፕዮን ሰንበት ፈሪቅ ውላድ ዐምበርቡብ



ሻምፕዮን ኩረት ሰለት ለትዐወተዩ ፈሪቅ ዐምበርቡብ

እግል በርንሊይ 3-0፡ ማንቼስተር ሲቲ እግል ብራይተን 2-1፡ ኒውካሰል እግል ክሪስታል ፓላስ 4-0፡ ማንቼስተር ዩናይትድ እግል ቪፊልድ 2-1 እት ቀሉባም፡ ቼልሲ 2-2፡

እቲ ክምሰልሁመ ሉቶን ታውን ወናቲንግሃም 2-2 ትፈናተው።

ሰንበት ዐባይ 22 ኦክቶበር እቲ ገብኦት ትልህዩ ምን እንረኤ ህዩ፡ አሰቶን ቪላ እግል ዌስትሃም 4-1 ቀልበ። ፍረቅ ቶተንሃም ወፋልሃም ሳዐት 10 ሌሊት ኣትኒን ዲበ ወደወ ትልህዩ፡ ቶተንሃም 2-0 ተዐወተ።

ሰቡረትለ ሊግ ህዩ እለ ተሌ ተ፡

- | | |
|-----------------|--------------------|
| 1, ማንቼስተር ሲቲ | = 21 ንቅጡት |
| 2, አርሰናል | = 21 ንቅጡት (ፈርግ ጎል) |
| 3, ሊቨርፑል | = 20 ንቅጡት |
| 4, ቶተንሃም | = 20 ንቅጡት |
| 5, አሰቶን ቪላ | = 19 ንቅጡት |
| 6, ኒውካሰል | = 16 ንቅጡት |
| 7, ብራይተን | = 16 ንቅጡት |
| 8, ማንቼስተር ዩናይትድ | = 15 ንቅጡት |
| 9, ዌስትሃም | = 14 ንቅጡት |
| 10, ቼልሲ | = 12 ንቅጡት |



ሰብ-በክት-አንፋር ሚ. ለመስሎ ቶም?

ሰኒ ወእኩይ ለልትበህል በክት ሰድፈት ቱ መ ምን ነፍሲያት? እሊ ሰብ በክት አንፋር እብ ከአፎ እግል በክት ለሰኒ ምን ለልታከዉ ወኬን እግል ልክሎቁ ክም ቀድሮ እግል ለአፍህመን ቀድር። ድራላት ክመ ለሐብሩ፡ ሰኒ ወእኩይ በክት ውላድ አዳም ዲብ ናይ ኖሶም አፍካር ወጠባዬዕ ክም ለአተንክብ ለሐብሮ።

እግል ሚ፡ ሰብ በክት አንፋር ክሉ ወክድ ሰእየት ለሮም፡ ዕጹማም ወመፈክረት ገብእ እት ህለው፡ በክት ለአለሮም ላኪ ህኩያም፡ ዲብ ሐያቶም ሹቁላም ወድዋርም ለከልቁ አብካት እቡ ለኢልትነፍሶ ቶም። ሰበት እሊ በክት ለልትበህል ለነፍስከ ክምእኒ ኣነ እንዴ ትቤ ለትሐሰበ ክምቱ ለድራሳት ለሐብር። “ኣነ በዐል በክት ኣነ” እንዴ ቤለ ለልሐሰብ ነፈር፡ ለበክት ሰኒ አስኩቱ ለልሰዴ። እግል ነፍሱ ክም በክት ለአለቡ ለልሐሰበ ነፈር ላኪን፡ በዐል በክት እግል ልግበእ ኢቀድር። ሰበቡ ውላድ - ኣዳም ነቲጀት ኣፍካርነ ሰበት ሕኒ።



እት ሐያት መታክል ብዞሕ ክም ህለ መፍሀም ጋርቱ። ምናተ፡ ሱብ በክት ላቶም አንፋር ለበዝሐ ወክድ ሽዑሮም እብ አተንሰዮት ሻፍግ ቀራራት ነስኦ። እት ራሐም እንዴ ደምነው ህዩ ከዋዋት እት ነስኦ፡ ኦብካት ሐዲስ ናይ ረኪብ ፍረሶም ለትወቀላቱ። ሱብ በክት አንፋር ትሉሉይ ፅላቃት እግል ጠወሮት ምስል ሐዳይስ አንፋር ለልትራከቦ ዲቡ ሰደፍ ከልቁ። እብ ሐጨሩ ምሮ ነፈር ምህም መውዶፅ ዶል ለህሌ እሉ፡ አው ሰኒ ምህም ዶል ጉብእ በዐል በክት ቱ እግል ኒበሉ እንቀድር።

**ምስጢር ሰብ በክት
አንፋር ሚ ቱ?**

1. ሰብ በክት አንፋር፡
አብካት እግሉ ዲብ አንተብሆት
ወአንተሀዘት ዝያት ኩሉ ፋዝዓም
ቶም። ለክሱት አኖካሮም ዝያድ
አብካት እግል ልፈርጎ ሌጠ
እንዴ ኢገብእ፡ ምኑ እግል
ለአሰተፊዶ ሻፍግ ከጥዋት ዲብ
ነስኦ ልትረከው።

2. ሰኔ ሰብ ሰጸየት ቶም። ሰኔ አፍካር ሰበት መልኮ ህዬ፡ ነቲጀት ለቡ ጋራት ናይ አፍረዮት በኩቶም ለትወቀላቱ።

3. ራሐት ለም አንፋርቶም።
 ሰብ በክት አንፋር ሰኒ ለትቃኔት
 ናይ ቀቡቶም ክርን መልኩ።
 ለበዝሐ ወክድ ናይ ጅወቶም
 ሽዑር ሚ ለመሰል በክት እግል
 ለአምጽእ እሎም ክም ቀድር
 እግል ልፍህም መሻክል አለም።

4. ከሃላት ሰኒ ለቦም አንፋር ቶም። እሊ ሰኔየት ለልሀይብ አፍካሮም እግል ልድሮሱ። ወእግል ኣብካት ለእኩይ ዲብ ሰኒ እግል ልበዱሉ ለአቀድሮም።

**መሻክል ግንኙነት ምስል ሕግም
ርስዬ ልትጸበጥ**

ምስል ወለኩት ዕምር እት
ዐባዩ አንፋር ለልትርኤ ናይ
ግንኩት መሻክል ምስል ሕማም
መትረሳዕ መትዳባጥ ክምቡ እት
ጃምዐት ሚሺጋን ለመርከብም
ባሕሲን ሸርሐው።

ቅሩብ ወምግባይ መሳፋት እግል ልርአው መሻክል ላባም ሰናቶም ወለዓል ተዋዘን ለሳኔነው ክም ቶም እሙር ሀለ።

መመቅረሐት ናይል ድራሰት



ለ ባሕሲን እብ ዕምር
ለትቀደመው አንፋር ለሳድፎም
ናይ ግንሐት መሻክል ዲብ
ሕማም መትረስዎት ክም
ለአበጽሖም ሐበረው። ለምግባይ
ተቅዩም እት 76 ሰነት
ለምግርም አንፋር ለገብአት
ጀርባ ድራሰት፡ ምስል ፍቅደት
ወተዋዘን ለልትጸበዋ ክፋል
ሐንገል ናይለ ረዩም መሳፋት
እግል ልርአው ለኢቀድሮ ክሉ
ረአሱ ለየረው ዐባዩ አንፋር ምነ

እንዴ አትለው ፅሁጣይት
 ዓፍዩት ዕንታት ዐባዩ አንፋር
 ዓፍዩት ገርቦም ወዐቅሉም
 ክም ተምትም እት ሸርሐ፡
 ዓፍዩት ዕንታት ፋሲሕ ዐቅል
 እግል ለሀሌ ሰቡት ሱዴ ዐባይ
 አንፋር ዋጅብ ራዐዮት ዕንታት
 እግል ሊደው ትወሰው። እንዴ
 አትለው ዐመልያት ልግባእ
 ወናዙር እቡ እግል ልትሓየስ
 ለቀድር መሻክል ግንሐት እት
 ዶሉ መትሳራዩ፡ መሻክል ሕማም
 መትረሳሳ ለለአትቃልል ክምቱ
 ወደሐው።

በህል እምራም

• “ናይ ሰልፍ እዕጁብ ናይ ኣክር ኢኮን። ምናተ እግል ረይም ወክድ ለልኡተላሌቲ።” ሰፋርሃን ሰዲቁ

- “ሐቆ እርዕዳይ ምድር ለሀሌት አግዋሕ ቱ እብ ሰበት ዕሉም አርድ (ጂኦሎጂ) ለእንደርሱ።” ራልፍ ዋልዶ ኤመርሰን

- “ዓፍዮት ለመልክ ሰጸየት መልክ። ሰጸየት ለመልክ ህዬ ክሉ መልክ።” ቶማስ ካርሊይ

- “ምን ለገብአ ነፈር ወለ ሐቴ ምንም ኢትጸበር፤ ሰኦየት ላኪን እግል ትብተክ አለብክ።” ሲልሻየ ፕላት


• እምበል እሐሳስ ፈርሐት እት ለገብአ መውደዕ ለሐሰክ እግል ትግበእ ወጠኖት ዐውል አለቡ” ማግኑስ ካርልሰን

• “ጀምሮት ሐቆ አድህር ጀነት እንዴ ገብአት ቱ ለትትሰመዐሄ።”
ኤል ፋጎ

• “መትሸዳድ ድቁብ፣ ሐሊት መትሐራክ እንድኢኮን፣ መታክል እግልልግበእ አለቡ።” ቢል ፊሊፕስ

- “ፍቲ ሂበት እግል ኖሰ ድራሰት ተ። ኤሌኖር ሩዝሽልት
- “ሰኒ ለትትፈቱ እብ ግብኦቼ በዐል በክት ኣኒ።” ሞኒክ ቤላቹ

10 ፍንጥረት ሰወር ሕዘው




ሰደስ ወራር ክብ ካርታን

፲፱፻፲፱ ዓ.ም. ጥቅምት ፳፱

21 ክፍለ ጦር
24 ክፍለ ጦር
ተደራሰቱ ሸለቃታት
ተደራሰቱ መደራወፅታት
ተደራሰቱ ታንክኖታት
ድድግያሌት
መቅደሪት ንግድ :-

18,000-19,000



ተርጓፊ	70
ጠጠሮኒ	58.2
ጠጠሮኒ	23.3
ዓቕሙ ስገጥ	1450 ~ 1600

ደብረ ገብረ ገብረ
ገብረ ገብረ ገብረ
2ኛ ክፍለ ጊዜ
መገቢያ ገብረ ገብረ :-
6000~7000